

EQVITIS POL



7630

Prophetia S. Fuldegaridis Brocii T. xv.

Fol. 455.

Saluatores nominantur. ab Equite . fol. 4.

1626

Ioannis Broscii Curzolomensis
Medicis Doctoris ordinarii
Astrologi . post mortem ipsius
Bibliothecam maioris Collegii in
Academia Cracoviensi . rogat
autem ut omnia quae hic inser-
ta sunt , integre ad posteritatem
conseruentur aliquam unitatem hanc

Deseruendi anathema
Conseruandi benedictio .

intellectus
iudicat
Veritatem

IX. 10. 1.

Contactus .

ad punctum

Vulgaris hoc oculus caligabit diffidetq; plurimum.
Procul este prospici.

1. Contenta in hoc volumina sive potest alio, quam
ex relatione laetitiae
huius diei
istam ador-
mantium.
1. Equity Poloni actio in Insultus prima
spongia contra Equitatem Russum
2. Actio Arnaldi in Parlamento Parissi
3. Procedere de iudicis
4. Ad Pauli quinta pro Scriptura Veneta Oratio
5. Huius deliberatio de compescendo emendari coram legi
6. Edictrix na trahit pueris Iugum
7. Responso ad representationem Iugum
8. De Ignatio Corio Zaluzcii Calispinorum
9. Obiectum pueris Iugum Ita paca posse
10. Tanya obiung pueris pueris
11. Vindicta aduersus Zaluzcios
12. Capitulus concilii Zaluzcios
13. Discretatio Borassi styllo diverso
14. Gratia puerorum Confessio
15. Epistola cuiusdam ad quendam
16. Ad servitores Regis Polonie scripta dispensatio
17. Widok statuorumque Iaponiarum et Xavarensium obraz.
18. Dilectionis in aliam
Confessionis benedictio.

Iam. Manana Hispanus regulus sic 220
Antiquis temporibus qui ex Monachis Egipti ac summis
Montibus exhibuerunt numerare nec possit, noster ab aliis
nec aut alterum eisq; non tam inde utique
quam multis artibus - ambo his suos effigies esse possimus
confidamus ut videlicet videntur caput.

Pedagog.

31. 1 - 19. vario.

Civ. Egipti - 5640



Pedag. pol. 202-220.

XIX. d. 24.

S P O N G I A
 Q V A
A B S T E R G V N T V R
C O N V I T I A E T
M A L E D I C T A
E Q V I T I S P O L O N I
 C O N T R A
I E S V I T A S.



Anagramma Authoris.

Sanis recta salus.

Stans Resea lans

C R A C O V I Æ
 Typis Andreæ Petricouij. Anno Do-
 mini, M. D, X C.

А Т О К О Е 2

А В Д

Б А С И Л Е В Ш А І

Б А С И Л Е В Ш А І

Л Е В И З А Н

П Р О Д О Б Н А Й Т Е Р Ь О Г

Л П Г И С О

Син 5623 2 25



ЛІБІДНЯ

СІЛ СІРОВИЙ

СІЛ СІРОВИЙ

СІЛ СІРОВИЙ

СІЛ СІРОВИЙ

SANIS R E C T A S A L V S

stamplaus Ratiō statu est insup̄h.
in prima edicta. 1553

S P O N G I A;
Q V A
ABSTERGVNTVR CONVITIA,
ET MALEDICTA,
EQVITIS POLONI
CONTRA IESVITAS.



THEVS SIS, AN IVDAEVS, HAE
reticus, an Schismaticus, ater an albus, ie-
sumastyx procacissime, ignoro : Catho-
licum esse non credo : Christianum vix pu-
to ; luuenem, quem simulas, eumq; leuissimum, nuga-
cissimum, maledicentissimum, ventosissimum concedo.
& hoc ipso nomine non verborum, sed virgarum flagel-
lis dignissimum statuo. ita nil maturum, nil meditatum,
nil sobrium, nil ingenuo dignum, nil veritati consen-
taneum ; sed omnia singulari stultitia, & inhumanitate
oblita, conuitis & maledictis farta ; nec solum vestigia ;
sed ipsa falsitatis, rebellionis & seditionis cubilia, in ea,
quam contra Iesuitas suscepisti actione perspicio. In
qua si quam voluptatem maledicendo concepisti, dabo
operam ut verum audiendo amittas. Sed tuam, o pa-
tria charissima, miserrimam faciem prius deplorabo, in
qua C H R I S T I iste nescio quis perduellis, audacia pro-
sapientia armatus, libertateq; tua & indulgentia abusus,
iūuuenilem suam ferociam, videri vult consilium, & tan-
quam ē cōclō delapsus, in subsellia Senatorum inuolat :
consulendi decernendiq; partes usurpat : manum ama-
toriis leuitatibus fœdatam, ad Reipub: moderationem
admouet : & qui tacere nunquam adhuc didicit, loqui in
conspicte Magnatum, legesq; Draconicas, libertati no-

stra repugnantes figere, tanquam in Megeræ pixide calamum intingens, non erubescit. Homo; quem ob ætatis imbecillitatem, censoriam istam virgulam, eorum quos docendos & monendos suscepit, intelligentissimorum virorum autoritati submittere, & in Academico adhuc puluere, aut in Grammaticorum scholis, sub magistri ferula sedere, latereq; oportebat. Quam adolescentis audaciam cum plenā fraudis, plenam periculi, summa cum patriæ turpitudine coniunctam, & omnium in vtraq; Repub: sententijs damnatam arq; reprobataim ostendero; vim ingentem mendaciorum, quæ iste ad insaniam effundit, calumniarumq; acerbitatem, quibus actionem suam infarsit, breuissima oratione refutabo. Non tamen agam summo iure, nec omnibus vestigiis, omnes calumnias persecutar: eligam ea quæ maxime excellunt, & in quibus videre possitis omnes istius inesse culpas maximas, Hæresis, perfidiaæ, dementiaæ, contumeliam, seditionis, rebellionis, summi in Deum, in Reges, & in omnes bonos contemptus. Nam si adolescentem vobis denudarem à pectore, cicatrices proculdubio aspiceretis non ab hostibus Reipub: sed in mulierum contuberniis susceptas; nec esset quisquam in patria, qui illum mori satis esse putaret. Illud autem in primis mirari satis nequeo, quod Actorem hunc, istæ Musæ, quarum amator videri vult, nec intelligentiorem, nec mansuetiorem reddiderunt. Nam si se hominem esse meminisset, rationem bono sibi consilio à Deo immortali datam, in fraudem bonorum non conuerteret: vicissim autem nisi se iuuenem oblitus esset, tacendi, non loquendi, discendi, non docendi, obtemperandi, non imperandi partes usurparet: & vestram præterea sapientissimi Senatores autoritatem & prudential non contemneret; nisi veterem illam dignitatem & seueritatem vos amisisse putaret. quod certè putat, cum in omnia omnium vestrum, munera & officia furenter & licentiosè

licentiosè inuolat ; regenda Reipub. artificium sibi arrogat, se vnum in illius videndis vulneribus lynceum, reliquos omnes talpas putat : quasi hoc esset proprium Equitis Poloni officium (huius enim vocabuli splendore aures vestras reddere sittentes desiderat) rerum omnium ordinem sursum deorsum agere, flamas vndis miscere, imma summis paria facere. cum tamen scientis sit (ait Plato) non diuitis, de quacunq; re bene consule. Nam vt Aemon ille huic nostro dissimillimus adolescens in Antigone loquitur.

Quicunq; se solos sapere, linguaeq; ri
vel pectoris pollere, quam alij non habent,
Existimant, isti retecti sapius
comperi inanes sunt.

Equidem apparet Tyronem istum nunquam illud Ecclesiastici sapientis præceptum auribus usurpare : In medio Magnatum non præsumas : & vbi sunt senes non multum loquaris. Nec illud ; Adolescens, loquere in tua causa vix : si bis interrogatus fueris, habeat caput responsum tuum. in multis esto quasi inscius, & quasi tacens simul & quærrens. Nec illud etiam ; Cūm Roboam reprobato senum consilio, iuuenum sententiam securus Regnum Israelis amisit.

Illud stupeo, quod ne in Cicerone quidem legerit ; Adolescentiæ ineunti, maximam inesse imbecillitatem consilii. Multra (ait ille) in nostro collegio præclara sunt, sed hoc in primis, quod ut quisq; ætate antecellit, ita sententiæ principatum tenet. Quodçp illud in Diuino Platone non obseruauerit ; Tacere debent coram senibus iuiores, cedere illis locum atq; assurgere, & ut parentes colere. O fili (ait Atheniensis ad Cliniam) iuuenis adhuc es, nec dubito quin progressio temporis faciat, ut de multis aliter, quam nunc sentias : expecta igitur oro, ut tunc de rebus maximis iudices. Homerus quoque ;

A ij

A/i

Διεῖ δὲ ὅπλοτέρων αὐθίσων φρενες ἀπεδονται
Οἱς δὲ ὁ γέρων μετέχεται, οὐμα τρόπον καὶ ὅπιστον
λευσσει, ὅπως ὅχ' ἄγια μετ' ἀμφοτέροισι γενήτα.

Id est, semper vero iuniorum rirorum mentes pendent
Quibus rero senex interfuerit simul preſenter et future
Proſpicit, ut ralde optimè cum ritisq; agatur.

Sed appetat profectò Actorem istum nullas istiusmodi
sobrias cogitationes habuisse cùm scribebat. Verisimilius
est ea quæ sunt iuuenum, mente & animo pertractasse;
quo vestis genere, quo calcei colore, qua forma pilei, ad
conuiuia accedendum: quis tonsuræ modus seruandus,
& quemadmodum in muliebri confessu, coronam vnam
in capite, alteram in collo, reticulumq; ad nares sibi ap-
poneret plenum rosæ. Sed verba mittamus ignem quæ
habeant.

Posteaquām ergo visum est homini ventosa sua lo-
quentia præfidenti de eodem, quod aiunt, oleo & opera,
& Pontificis Romani authoritatem contumelia aculeis
pungere: & Regum christianorum maiestatem carpere:
& regni Senatores cœcos & mutos facere, & Dei seruos
lacerare: rebusq; clarissimis tetas tenebras obducere;
(videte quæſo Senatores quām multa sunt in uno iſiūs
calamo vulnera) **C H R I S T I** nos vicissim cogit charitas,
ut veritatis propugnatione suscepta, Pontificem contu-
melia, Reges inuidia, Senatores iniuria, Dei seruos calu-
mnia liberemus; rebusq; omnibus lucem afferamus. Non
quod existimemus, tutiorem vitam nostro præſidio vi-
cturos in patria Iesuitas. Quid enim ab adolescentis gar-
rulitate periculi? Sed ut exemplum sequamur humanita-
tis & officij: ut contagionem istius impudentię imitande
præcludamus: ut ne labor quoq; noster iis defuisse viris
videatur; quorum labore fit, ut religio christiana minus
in patria nostra quām ante laboret. Nusquam est tutiūs
calatum stringere, nusquam irasci & excandescere, nus-
quam etiam errare tolerabilius, quām cùm in amore ni-
mo

mio (vt loquitur Augustinus) veritatis, & in reiectione
nimia falsitatis excandescimus. Qui enim non satiatur
amore erga I E S U M (ait Chrysostomus) hic nec vñquam
satiabitur pugna aduersus eos suscepta, Iesum qui ode-
runt. Gregorius verò Nazianzenus; Nequaquam, ait, eum
feruorem damnare debemus, absq; quo nihil fieri præ-
clarè, siue pietatem, siue virtutes cæteras speces, potest.
Et Basilius; In aliis modesti sumus, inquit, & omnibus
reliquis humiliores; vbi verò Dei negotium periclitatur,
cunctis aliis contemptis ad Deum solum respicimus. ita
vt gladij, bestiæ, vngues carnem dissecantes potius deliciæ
nobis sint, quam tormenta.

Te igitur appello, fili
tenebrarum. Ais. omnibus quidem charissimam esse patriam, illos
tamen propter iniquitatem temporum, in hanc causam multis odiosam non
quidere descendere, ne illorum oratio multorum varias roces ad inuidiam
& odium excitaret. Ego verò patriæ charissimæ etiam atq;
etiam gratulor, neminem in ea inuentū esse præter vnum
te, ita impudentem, qui niuem auderet atram dicere, aut
arma nefaria pro falsitatis propugnatione, contra vim
veritatis assumere. Suadeo tibi vt circumspicias, quam
recto cōsilio sapientissimis Regni Senatoribus maculam
hanc aspergis: aut quo tuo commodo reliquorū ciuium
præstantiam laceras; cum ita cœcos omnes putas, vt
præsentem patriæ pestem non videant: ita verò mutos &
inuidiæ metu consternatos; vt ad æquissimæ causæ pro-
pugnationem descendere, proq; ciuium capite verba fa-
cere nemo audeat. Quam tuam audaciam, quibus legum
vinculis, vtrum eculeo, an exilio refrenare volet, Ampli-
simus Senatus, ipse viderit; nos tibi vitam non inuide-
mus: mentem optamus meliorem, : non enim hominem,
sed hominis errorem odisse didicimus, & quod magis ama-
mus hominem; hoc magis perire cupimus errorem. At
vide quam tui oblitus es. Animi tui angustiæ, ne pero-
rantium quidem consuetudinem, aut Rheticarum præ-
ceptionum ordinem capiunt. Quorum enim tibi beneuo-
lentiam

lentiam conciliare debebas initio, eos in ipso actionis tuę
vestibulo, pungis illico, & omnium intemperantissimę in
Auditores tuos, grauitate (vt ais) doctrina, & rerum ge-
starum gloria præstantes iuuenilis amentiaę tuę crapu-
lam exhalas; cum ereptam illis affiras hominum poten-
tia, iniuriae, crudelitate, non solū dicendi faculta-
tem, sed etiam sentiendi libertatem. Absit huic tuo ver-
bo veritas: auertat à patrię capite infaustum omen hoc
Deus: Non cadat in Nobilissimos animos ista obiectio.
An tu Equites omnes mortuos putas? Id enim est Equiti
Polono liberum esse quod viuere: & viuere quod libe-
rum esse. Rumparis necesse est μασόφιλε. Equitem Polo-
num in Regno, nisi vel liberum, vel mortuum non videbis.
ita, vt nō ob aliud affirmare te voluisse putemus, ereptam
Polonis, nescio quorum hominum potentia sentiendi li-
bertatem; quām vt isto quoq; loco notas maximas, immō
sedem, immō cubilia mendaciorum tuorum videamus.
Sed, in rebus notissimis non moremur. Illud tibi non
possum non gratulari, quod perorante te non acciderit
quod olim Sextilio Enę Poetę pingue quiddam & pere-
grinum in suo carmine more Cordubensi sonanti. Is pro-
scriptionem Ciceronis in domo Messalae Coruini recita-
turus, Pollionem Asinium aduocavit, ac ita cœpit;

Defendens cicero est, Latiaeque silentia lingue.

Id vero audiens Pollio, vir disertissimus, iniquo pror-
sus animo tulit, Latinam linguam ex vrbe Roma cum Ci-
cerone in exilium actam audire. Consurrexit itaq; & è
media concione abiit dicens. Ego istum auditurus non
sum, cui mutus video. Sic tu magnam profecto debes
gratiā auditoribus tuis, quod quos in Repub: tanquā
cœcos & mutos accusasti, te audire garrientem perrex-
rint, surdos propterea fortasse non dixisti, ne insanus ha-
berere, si surdis de Repub: loqui perrexiſſes.

*Quod Recipub. vulnera memoras, veterem Comitiorū consuetudinem
abrogatam, nouam introductam, pristinum Electionis morem mutatum,
barbaros*

barbaros milites, exercitus numerosos, rapinas, cædes, incendia, pericula, minas, clamores, cōtumclias, lachrimas, depopulatos agros, Nobiles electos, Virgines abreptas, cracouia obſidione pressam, cæde & incendiis vastatam.

Vtinam in istiusmodi tempora patria charissima nunquam incidisset: sed istius clavis origo, nota apud omnes & per uulgata est. Nos non bellorum & seditionum, sed veritatis defensionem suscepimus. Optima(ait ille) ciuilis belli defensio, obliuio est. Si ab illis quoq; consiliis, tui similes iuuenes abfuissent, quos & tu nosti & ego prætereo; non tantis tempestatibus pulsatam Rempub: vidissemus. Sed abiit huius tempus querelæ. Caput actionis & accusationis tuæ videamus. Ais: Ego Romanæ Ecclesiæ propemodū alumnus dico hanc rnam monachorum familiam, que à IESU saluatore nomen habet, ad perniciem multarū Rerumpub: esse institutam.

Si dixisse viciſſe eſt, herbam ut victori porrigo. At quā abs te facile dicitur, tam à me facilè negatur. Crimen audio ſine teste, ſententiam ſine confilio, damnationem ſine defenſione. Tu quidem quod dicas Aiakis clypeum, ego Louis ſandalium puto: teq; illi ipſi Aiaci flagellifero per omnia ſimilem ſtatuo, qui cum Vlysſe de Achillis armis in Græcorum iudicio contendebat: à quibus cùm eſſet abiudicatus, præ iracundię impetu in furorem actus, gregem pecorum inuasit, existimans ſe Græcos omnes trucidare. Arietē autem qui cæteris eximia magnitudine eminebat, cū Vlysſem putasset, ligatum flagellauit. Ita tu de ſtatu mentis ob odiū veritatis deturbatus, cùm cupias Catholicos omnesvnam ceruicem habere quam præcideres, Iefuitas potissimum quaſi coniuratos Euangelicorū hōſtes, verborum flagellis emendare decreuisti. Quid ſi verò ego, huic tuo clypeo clypeum, vmbonem vmboni, haſtam haſta, galeam galea, viro virum oppoſuero: tibi profeſtò probandi partes incumbent.

Dico itaq;: Ego Romanæ Ecclesiæ non propemodū vt tu (vox hæc non niſi Euangelicorū eſt) ſed per omnem modum, ut n̄ ſunt qui ſe Christianos eſſe meminerunt,

alumnus: dico hanc vnam familiam, quæ à I E S U saluato-
re nomen accepit, ad salutem Christianæ Reipub: esse
institutam. Tibi certè Ecclesiæ Romanæ propemodum
alumno, propemodum, mihi verò per omnem modum
alumno, per omnem modum erit fides adhibenda. Nonne
rectè dixi initio, quòd te Christianum non puto. An licet
quenquam hominem lynceum vocare, qui propemodum
cœcus est? An esse sanus quisquam potest, qui propemodum
mortuus est? An sapientem vocabis, qui propemodum
insanus est? Si propemodum Ecclesiæ alumnus es, alu-
mnus non es. Si propemodum vir bonus es, vir bonus
non es. Profectò scitum est vetus illud verbum: Facilius
esse decem Elephantes sub vna veste, quam vnum Cyne-
dum occultare. Tu, quod impi faciunt, in circuitu ambu-
las. Et ipsa veritas, quæ nihil timet, nisi taceri, per tuum
iugulum, inuito te, erumpit. Tertullianus certè Hæreti-
cos omnes infideles appellare non dubitat: propterea
quòd adhuc de fide disputant. Qui enim disputat, ait il-
le, nondum credit: qui nondum credit, nondum Chri-
stianus est. Quid diceret, si te propemodum alumnum
Ecclesiæ audiret? Profectò paganum propemodum &
infidelem statueret. Sed hæc mittamus. Nil mirum est
consilium intelligendi adolescenti loquaculo, isto quoq;
loco defuisse. Verùm tu causas & rationes moliris, cur
ita de hominibus istis sentias: quas equidem rectè putas,
perarduum tibi fore demonstrare. Audiamus. Ais Iesui-
tas à vestris theologis pestem esse pronunciatos, cum in primario templo
Lublinensi, tum in summo templo cracoviensi.

Si vestros Theologos illos animarum piratas intelli-
gis, quos verbi vocatis Ministros; falsum est peñes illas
in suminis vtriusq; vrbis templis verba ad populum pro-
concione habuisse. Christus enim in illis templis ex Ma-
ria virgine in Bethleem natus, nō Antichristus Islebiensis
Luterus, ex tetro incubo satus, non Caluinus stygmati-
cus, non Beza Sodomiticus, non Volanus, non Grego-
rius, non

rius, non Biesaga, non Paklepka, non Vardega hæreticus colitur. **C H R I S T I** Dei viuentis, non Ochini aut Blan-dratae verbum è superiore loco annunciat. Si cùm sis angelus Sathanæ, transfiguras te in Angelum lucis, & vestros Theologos intelligi vis Ecclesiæ Catholicæ Romanæ doctores & concionatores ; ne sic quidem vicisti, Meminisse te oportet, inter duodecim Apostolos Iudam, inter septem Diaconos Nicolaum extitisse ; inter decem à lepra mundatos, vnum solum regressum debitas Deo gratias pro redditâ sanitate reddidisse. Fungos aliquos esse oportuit (si modo verum est quod ais) aut intelligentium virorum carcinomata, (non enim quenquam nominas) qui non ponere, sed proiecere verba didicerūt, nec esse nefas putant resorbere quod vomuerunt. In iuriā infert ceteris, qui vnius in omnibus sententiam sequitur. Lippis quoq; oculis, lumen solis molestum est ; & omnis ægrotanti amara est medicina ; idq; etiam te ipsum animaduertisse argumento est. Paulò post enim ad summorū virorum autoritatem recurris : vt velut hædera suspensa, sententiam tuam facias vendibiliorem. Illius fortasse memor, quod Hecuba ad Vlissem apud Euripidem :

λόγος γέρε ἐν ἀδοξόντων λόγῳ
καὶ τὸν θεόντων πάντος τὸν ταυτὸν στένει.

Nam ab inestimatis proficisciens oratio,
Et ab aestimatis haud quam tantundem valet.

Ego verò fatebor quod res est. Video isto loco intelligenti consilium tibi non defuisse. summos enim patriæ nostræ Heroas memoras, qui rotas & tates in Reipub: negotiis contriuerunt: qui si à partibus tuis starent, ex studio insanum te facerent præ gaudio. At ingenij tui imbecillitas altitudinem consilij non capit, quo isti abundant. Sic enim in patria nostra in omni laudis genere vixerunt, sic clauum Reipub: moderati sunt, sic omnia consilia ad salutem patriæ explicata semper habuerunt ; vt nefas sit existimare, quam tu patriæ pestem putas, eam ipsos fuisse

in patriæ visceribus tolleraturos, pestem si putassent.
Lynceis sunt oculis, longissimè omnia prospiciunt: emunctas nares habent, facillimè omnia odorantur: patrīam verò sic amant, vt præ illius salute omnia quæ soliste aspicit, inferiora ducant. Isti pestem non viderent: isti pestem non intelligerent: isti pestem non auerterent: Nimis iniquus es in tam laudatos viros, mastigia: si tam acres & generosos animos hominū iniustitate cogi posse existimas, vt ardenti patriæ flamas iuictas negent.

Tria sunt, ait Nazianenus, quibus instructum esse consiliarium bonum oportet: rerum experientia, amore publici boni, & oris libertate. Tu si quidquā eorum tantis viris adimis, Senatorē eos Regniq; consiliarios neges necesse est: quo tuo bono, dies te docebit. Si illum ipsum quem nominas Zamoiscium, exercitus Ducem, aliquando legisses, (cæteros dignitatis & honorum gradus prætero, virtutes enim Zamoisciū magis suspiciendæ sunt quam honores) illum esse verum Senatorem, in eius de Senatu libello didicisses; qui ita semper vixerit, ut omnia consilia, atq; facta ad solam honestatem referat: non sibi, sed patriæ se natum putet: nec vlla in potestate, avaritię prædam aut libidinum fructus, sed instrumenta adiumentaq; moris maiorum, disciplinæ, ac æquitatis tuendæ & conseruandæ, quærenda arbitretur: nullasq; sollicitudines, nullos labores iuuandæ patriæ causa recuset: nulla cupiditate, nullis voluptatum illecebris, nulla commodorum spe, nullo periculorum metu, animum suum, non modo flecti, sed ne tentari quidem patiatur. Ita profectō res habet. Senator ardens amore patriæ, non quid passurus, sed quid acturus sit, aspicit. Mori potest; de studio & consilio iuuandi, potentia vlla, iniustitate, crudelitate deduci non potest; vultu, fronte, oculis, voce, manu, consilio, re, prodesse Reipub. non desinet: si quid obstiterit, remouebit: si quis fauces oppresserit, etiam tacendo iuuabit. Fingas quæ voles, mendaciorum architecte, sapi-

recte, sapientissimi Senatoris Miscouij Episcopi Cracoviensis verba; dabis Illustrissimo Praesuli, huius quoque calumniæ rationem, res enim longe aliter habet quam narras. Accipe, quod si negare voles, non video cur te hominem putem. Miscouius Noscouio in Episcopatu Plocensi prius accessit, postea successit. Collegij Pultouiensis fundamenta iacta inuenit, auxit, fouit, locupletauit, promouit: paterno semper animo, vultu, fronte, oculis, omni hilaritate Iesuitas omnes complexus est: & vniuersum Collegij studijque Pultouiensis progressum Iesuitarumque operas non solum non impediuit, sed etiam promouit. Ad Cracouensem verò translatus, Episcopali sua autoritate, & templum S. Barbaræ, & Ecclesiam S. Stephani, Parochialem vocant, eisdem attribuit. An ut in eis Ecclesiæ Romanæ dogmata euertantur? An ut seditionem incendia excitant? An ut omnium in Repub: mores bonos, & omnium comprobatione institutos pessundent? Hoc tu si putas, idem est ac si putares Miscouium nec Episcopum esse, nec bonum patriæ suæ ciuem. Non verborum, ô iuuenis ylmeæ, sed virgarum flagellis tibi ista erunt expianda. Zamoiscium verò Cancellarium Ducēque fortissimum, optimum, vt Isocratis verbis vramur, Regis ac Regni thesaurum, quod tecum sentire fingis, toto, quod aiunt, cœlo erras. Non dissentit ille, sed consentit cum Iesuitis. Ea quippe illis ministeria in templis cæterisque Ecclesiasticis officiis & muneribus concedit, quæ ipsi sponte sua, in se, pro gloria Saluatoris suscepérunt. Hoc nullo pacto ferri oportere iudicat, quod & ipsi fugiunt, & quantum in ipsis est detrectant, vt scilicet ad Reipub: negotia se ingerant. Ac ne sis nesciens, narro tibi, ô Iesu-mastryx, quod mihi credas velim; Mortis instar Christi seruis accidere consueuisse, quoties à sermone Dei (sive enim orant Deo loquuntur, sive legunt Deus illis loquitur) ad consuetudinem seculi pertrahuntur. Sæpe accidisse audiuimus, vt nonnulli Germaniæ, Galliæ, Poloniæ

quoq; nostræ Principes, datis ad Generales Jesuitarum
Præpositos litteris, diligètissimè postularent; vt aliquor
è Societate & è suis contuberniis, in eorum aulis viuere
paterentur: ad quorum aspectum & correctionem aula-
rum asseclæ erubescerent, atq; ad officium reuocarentur.
Scio quoq; sæpiissimè negasse Præpositos quod peteba-
tur: cauentes ne socij quæ semel repudiarunt, seculari-
bus sese vicissim negotiis admiscerent. Principes au-
tem ad ipsum Romanum Pontificem Præpositorum
Præpositum, litteras dedisse; rogantes, vt autoritate sua
generali præciperet, quod ita valdè postulabant. Scio
hos ipsos Generales in genua prouolutos supplicasse vi-
cissim Pontifici, vt ne rem inuidiæ periculiq; plenam præ-
ciperet, nec ullos extra Socieratem & contubernia viuere
socios pateretur: Sed repulsam esse passos: seriaq; man-
data accepisse, vt Principum petitioni gratificantur.
Hæc tu vera esse credas oportet. Non enim isto loco Al-
cinoi Apologum, aut Afini mortes recitare decreuimus.
Edam & Principum nomina: teq; rerum testimoniis, eti-
amsi relucteris, opprimam. Talis fuit in Germania supe-
riore Archiepiscopus Moguntinus & Treuerensis, S.Ro-
mani imperij electores: Tales Episcopus Bambergensis,
Basilensis, Herbipolensis, Pasauiensis, Archiepiscopus
Salsburgensis, Abbas Fuldensis. Tales Serenissimi Ar-
chiduces Austriae: Tales serenissimi Bauariæ Duces Al-
bertus & Vilhelmus: Talis fuit in Germania inferiore
Princeps Illustrissimus Ioannes ab Austria; & qui illi in
gubernandi munere successit Fernesius Dux Parmensis.
Talis fuit in Gallia Dux & Cardinalis Lotaringiæ: Ta-
les in Hispania & Lusitania omnes ferè Principes & Epi-
scopi. Stephanus porro Rex Poloniæ Serenissimus, de-
cuius laudibus nulla vñquam ætas conticescet; nonne ex
intima Italia virum doctissimum, Toletum, Belarminum,
Gregorium de Valentia, euocare, ad aulam suam cona-
tus est? Nonne qui felicissimè regnat Sigismundus ter-
tius, accer-

ius, accessito in arcem Cracouensem viro venerabili
Ioanne Paulo Campano Provinciali, diligentissimè po-
stulauit, vt ad aulę suę comitatum, Petrum Scargam ver-
bo & opere potentem adiungeret. Non commemorabo
Principes Illustrissimos Radziuilos, qui in aulis suis præ-
cipua quædam ornamenta desiderari interpretantur, si
nullo in comitatu suo habeant Iesuitas: Viuunt itaq; in
aulis Iesuitæ, sed coacti: loquuntur de Repub. sed inter-
rogati. Iste inquam ipse, quem nobis opponis, sapientis-
simus Regni Cancellarius, tum à Nuncio Apostolico, tum
à Prouinciali Regni Poloniæ semel & iterum postulauit,
vt sibi in intimam Russiam proficiscenti, aliquos è Socie-
tate comites adiungeret, quorum opera tum in refutan-
dis Schismaticis, tum in conuincendis Hæreticis, quo-
ties se daret occasio, vteretur. Sæpè etiam Knissinum,
& in alia loca, priuatæ pietatis gratia, euocauit: eorumq;
potissimum opera in reuocanda ad Ecclesię societatem
Illustrissima coniuge sua Radziuila felicissimè usus est.
Pestes ergo Zamoiscius in patriæ perniciem aluit: pe-
stes ad suam consuetudinem, pestes ad mensam, pestes
ad consilium adhibuit: Non cadit hæc immanitas in He-
roicum illum animum. Facilius quisquis ista tua lege-
rit, te mendacem esse perspiciet, quam hostem patrię Can-
cellarium. Pico Medico viro doctissimo quæ tribuis,
agnosco. Scio quod plurimis in patria vitam dedit: tibi
verò si iamdudum Elleborum porrexisset, non tot infani
capitis excrementa in pagellas vomuisse.

*Voces hominum viduarumq; querimonias memoras: easq; arte & inge-
nio Iesuitarum rasis argenteis & omnibus ornamentiis aureis spoliatas aie-*

Nos contra asseueramus: Nullius nos vñquam ho-
minis lachrymas & eiulatus audiuisse; nullum vas argē-
teum & aureum in omnibus eorum contuberniis, & cœ-
naculis aspexisse, quod ereptum diceretur. Diligunt illi
quidem cum Propheta decorem domus Domini: idq;
summopere laborant quod Paulus præcipit, vt ea quæ
Dei sunt,

Dei sunt, omni adhibito ordine, summa qua fieri potest
dignitate & cæremonia Deo reddantur. Inde porro sit,
ut audientium & intuentium animi vehementius exci-
tentur ad cultum Dei, aureis & argenteis ornamentis il-
lustrandum: quæ equidem non dubito, quin vestras Eu-
angelicas cupiditates, illam inquam rapiendi clependique
consuetudinem magnopere irritent: cum in templis &
altaribus exposita quandoque vasa videatis, que vestra esse
cuperetis. Mihi profectò contigit adhuc videre nemine,
qui quidpiam apud Iesuitas inuenerit, quod suum dicere
possit. Lepide quidam de Ministris & Aposcopis Euan-
gelicis dixisse perhibetur: Oculis eorum nil gratius occur-
rit, quam mulier. Lingua nil loquitur expeditius, quam
maledicta in Papistas. Aures nil libentius audiunt, quam
Rape, clepe, harpaga. Nares nil odorantur suauius, quam
exustorum templorum & monasteriorum nidorem. Ta-
ctus solo tantum sanguine Christianorum delectatur.
Nimis autem in patriam iniquus es iudex, nimis trux in
eos quos appellas Senatores, cum in tanta rapiendi con-
suetudine, tantam in Senatoribus & subselliis, indulgen-
tiam profiteris, & suum cuique ius reddi negas. Sylam
tu ut video latrociniis infestam, patriam tuam putas, non
Regnum legibus descriptum; in quo sanè impudentissi-
mè tricaris, quo nomine crede mihi, miniatum suo tem-
pore funiculum non effugies. Tales olim gentilium Phi-
losophos extitisse Eunapius memorat, qui cultoribus
idolorum persuaserant; Christianos in occultis antris, &
intimis montium recessibus, vim ingentem auri & argen-
ti asseruare consueuisse. At posteaquam data esset mili-
tibus omnia scrutandi euertendique potestas, pro cellatis
vasis, innumeratas sanctissimorum virorum reliquias, quas
idem Eunapius vocat, salita damnatorum capita; pro
veste picta, horrida cilicia, pro cœnaculorum ornamētis,
facros libros, pro reliqua suppellectili, nodosos funicu-
los, ferratosque cingulos inuenerunt. Nil quippe Sancto-
rum con-

rum contubernia pr̄ciosius habebant quām paupertatem, nec in illis quicquam carius videtur quām ipsi. De Roffensi Episcopo sanctissimo Christi martyre vtrum aliquid vnquam inaudieris, ignorō. Is cūm esset Henrici octauī Angliae Regis iussu in tētrum carcerem compingendus, Euangelici quidam Equites tui similes, aurea & argentea Episcopi vasa spe deuorauerant. Cūm autem in eius conclaue furenter inuasissent ac ferream cistulam reuulsissent, pro nummis aureis cilicinā vestem, valde horridam, & aliquot funiculos nodosos sanguine imbutos, quibus corpus suum castigare consueuerat, inuenierunt. Simile quiddam in exigua Hosii Cardinalis hæreditate repertum fuisse memoratur.

Quod ais : clamantur hæc in templis in conspectu trinitatis, ante imaginem Christi, omnium sanctorum & sanctarum, ad comouendos sanctos & sanctas ab his qui religionibus sanctorum & sanctarū pr̄sunt.

Flosculi isti, ô elegantissime adolescens, loquendiq; moduli, non nisi Euangelicorum sunt, è loculis communioribus Philippi, aut è Caluini institutiunculis excepti: At olim in Iuliani capite meditati, & in schola Luciani usurpati, quibus olim, æquè vt nunc vobis Euangelicis, Iudus, iocusq; erat, templa Dei vocare luponaria, Trinitatem cerberum tricipitem, Christi imaginem idolum Moloch, Sanctos & Sanctas opprobrium hominum, eorumq; reliquias Diis inuisas hominibusq;. Quām egregiè porrò Amasiam idoli Bethel sacerdotem exprimis, qui & ipse Amos Prophetæ, verbum Domini ex ore Domini loquenti, rebellionem obijciebat: cūm ipse Deo & mandatis eius apertissimè rebellaret. Sed ô fœlices Iesuitas, quod à vobis Euangelicis vituperantur, qui nihil vnquam nisi grande aliquid bonum, vituperare consueuistis. Maximum innocentiae argumentum statuo, accusari ab Euangelicis. Non potest pietatis, non potest reus agi religionis, quem condemnat hæreticus.

Quod dolere te simulas plurimas scholas à Iesuitis dissipatas esse, &

Academiam cracoviensem celeberrimam, solitudine foedam atq; squalidam, quæ literatorum iuuenium quatuor millia aliquando numerabat, nulla antiqua ornamenta retinere.

Vtinam retineret. Sed quis istam foedam solitudinem inuexit? Quis squalidam fecit? Quis antiqua ornamēta eripuit? Id quidem tu improbè dissimulas, sed ego præsuloris munere fungar. Florebat Academia Cracoviensis, quando patria vniuersa Euangelicos tuos ignorabat, quando in sinu & gremio terri Cacodemonis Euangelicorum magistri & ministri latitabant, quādo nulli erant in patria nostra Luteristæ, Caluinistæ, Anabaptistæ, Budneistæ, Volanistæ, Biesagistæ, sed omnes uno eodemq; nomine & erant & vocabantur Christiani, vel, vt vos vocatis, Papistæ. At posteaquam eiusmodi sectas, in patriæ perniciem cœpistis introducere, secta quoq; ac dissipata est illa quam prædicas Academiæ integritas, sectæ sunt leges, secta sunt iudicia, secta comitia, secta subsellia, omnia in patria secta, disiecta, disiecta, dissipata videmus. Quid enim mali non videmus? Vos cœpistis, vos primi cœpistis, templum contra templum, cathedram contra cathedram, altare contra altare erigere: consequens erat, vt scholæ quoq; contra scholas suscitarentur, & Academiæ Cracoviensis maiestas, & illa quam prædictas frequentia, minueretur. Qui sunt autem, qui scholas contra scholas erexerunt? Vos inquam Euangelici, teterimi legum & regum euersores. Repete memoria, si quam habes, scholas Euangelicorum, Pinczoniensem, scholam Volensem, scholam Leuartouensem, scholam Chmielnicensem, Brogensem, scholam Grodziscensem, scholam Posnaniem, & id genus alias, in quibus ætas imbecilla, ad omne audaciæ blasphemiaeq; genus instituebatur. Illæ inquam fuerunt, quæ squalidam solitudinem in Academiam Cracoviensem inuexerunt. Nam si quas scholas regendas Iesuite suscepserunt, pro schola non contra scholam Cracoviensem, instituerunt,

instituerunt: cum schola Cracouensi in cultu veri Dei,
& in orthodoxa veritatis cōseruatione conueniunt, cum
schola Cracouensi præceptores & scriptores H̄ereticos
rejiciunt: Philippos, Sturmios, Spangebergios, Erasmos,
& istiusmodi alios: cum schola Cracouensi, vitam pro
religione profundere parati sunt. Vis rerum testimonia
adiungam: Vestræ scholæ & Synagogæ præceptores,
vestri patroni & fautores, vestri magistri & ministri, au-
tores & incentores fuerunt, ut schola Cracouensis dissi-
paretur. Quid insignes pleraq; Regni familiae Euange-
lico seu Lutherano spiritu de statu mentis motæ (è qui-
bus hodie tanquam è spinis rosas processisse videmus &
gaudemus) contra Cracouien Academiā egerint, obscu-
rum non est. Vos acerbas & capitales sententias, sæpè in
particularibus, quandoq; in generalibus Regni comi-
tiis, in homines innocentissimos Academiæ Cracouen-
sis Professores pronunciastis. Vos è priuatis oppidorum
scholis Magistros & Baccalaureos Cracouenses extur-
bastis: & in eorum locum externos homines, terræ filios
ex Italia profugos, Genevæ, Basileæ, Tiguri ob vim fla-
gitiorum virgis cæsos, naribus auribusq; truncatos, sce-
llerum stygmara manu carnificis impressa circumferren-
tes, substituistis. Vos Artium & Philosophie Magistrum
Volscium, nobilissimum scholæ Cracouensis membrum
indignissimè & iniuitissimè enecastis. Vos exulem Stan-
carum in scholam Pinczouensem recepistis: vos in ci-
uium locum externos homines nescio quos Synagoni-
stas, Theodori Bezae symmistas recepistis: vos illum mi-
nistrum ob adulterium, quod in despectum Papæ (sic
enim facinus excusabat) commiserat, auricula mutila-
tum, ut angelum è cœlis delapsum, in vestrum comita-
tum recepistis, eiq; liberos vestros erudiendos tradidi-
stis. Vos igitur estis, & vestri Euangelici magistri, & mi-
nistri, qui Academiæ Cracouensis solitudinem attuli-
stis: & eam, quam deploras, illius faciem reddidistis, nec

adhuc vñquam legibus illius, & institutis , interitum
machinari destituitis : quod tu aut concede, aut abi, &
ad Antyciras nauiga.

Quod ais habuisse Poloniā nostrā ante istos resūticos monachos,
vīros eruditissimos , oratores rehementissimos, Philosophos acutissimos,
Iureconsultos prudentissimos, theologos omni dicendi grauitate, copia
atq; ornatu instructissimos.

Verè ais: sed addere debuisti, quod ne nunc quidem
habere desit, & habebit per Dei gratiam plures etiam:
nisi vos cursum bonarum literarum totiusq; pietatis
progressionem retardaueritis, aut Regnum, quod absit,
vniuersum seditionis consiliis ad extrema pericula
adduxeritis. Non omnia, ait Tacitus, apud priores me-
lliora, sed nostra quoq; ætas multa laudis, & artium imi-
tanda posteris tulit. Quædam, ait Seneca, initium ab
aliis trahunt, & tamen initii suis maiora sunt. Princi-
pia enim sua semper sequens magnitudo obruit.

De Luca & Leopolita Concionatoribus tu fortasse
auditione accepisti: ego sæpe vtrunq; pro concione dis-
serentem audiui: & vtriusq; consuetudine sum olim vsus
familiarissimè: quorum sermone si dignus esses, repræ-
henderent te proculdubio ex ipsis beatorū sedibus, quod
cum illis omnes in patria concionatores mortuos putas.

De Hosio verò nunquam fatis laudato Cardinali,
quem rectè quispiam ob doctrinæ sublimitatem, vt Areo-
pagitam Chrisostomus πετενὸν τῷ δραῦς, id est volucrem
cœli dixerit, deq; Cromero eius successore videri tu quidē
vis, quasi eos summo loco habeas. Sed si magnus apud
te esset Hosius, non magnus apud te esset Fricius. Si Ho-
sium Ecclesiæ Romanæ lumen verè putares: Fricium
Anathema, Maranatha iudicares. Non me tenebo, quin
tibi Hosiani nominis amplitudinem explicem, quid de eo
viro Itali, Galli, Germani, Hispani, Angli, Hungari, Sco-
ti, Lusitani, Hiberni; quid in Asia, quid in Africa, quid
in ipsa

in ipsa quoq; patria nostra, clarissimi & sapientissimi vi-
ri, quibus matellam porrigerere dignus non es, senserunt,
atq; ad vniuersae posteritatis memoriam scriptum reli-
querunt, vt si talem voles credere, qualem isti faciunt, in
illius quoq; de Iesuitis iudicio, quod cōmemorabo, acqui-
escas. Alij columnam Ecclesiæ vocant, alij ornamentum
Collegij Cardinalium, alij splendorem curiæ Roma-
næ, alij Phœnicem Cardinalium, alij Polonicum Patriar-
cham, alij senem verè Abrahamicum, alij malleum hære-
ticorum, alij nostri temporis Augustinum, alij alterum
Poloniæ Stanislaum, nouum Bestiarionem, Melchisede-
chicum sacerdotem, nunquam satis laudatum Ecclesiæ
defensorem, rectæ fidei cuī odem vigilantissimum, orbis
miraculum, patrem patratum, Romani Senatus orna-
mentum, Apostolicæ sedis propugnaculum, Christi for-
tissimum Athletam, formidabilem hæreticorum aduer-
sariorum, senem suauiloquentem, alterum Numam, mi-
cans Latij lumen; alij sinceræ pietatis magistrum, Dei
interpretem, alteram Pauli manum, alij aliis laudibus
celebrant, & vsq; ad sydera tollunt: idq; te scire volui, ne
tam deinceps, vt nunc fecisti, iejunè tam commemorabi-
lis viri nomen usurpes; de quo tu quidem vereris, ne ex
commemoratione illarum virtutum & eruditio[n]is re-
crudescant vulnera, ex istorum hominū morte accepta.
Ego verò et si Hosum immortalem, si fieri potuisset, esse
voluisse, fit tamen nescio quo modo, vt illi vitam ere-
ptam minus doleam, ne Volanum, ne Czechouicium, ne
Budneum, ne cæteras quisquilias, ne te, ne tui similes ali-
os, in Senatu & ad Senatum de Republoquentes & gar-
rientes audiat. Mortem ille quidem timuit nunquam,
sed optasset etiam, si te tuiq; similes, clauum Reipub-
maderaturos cognouisset.

Producis etiam Bembum, sadoletum, contarenum Polum, viros omni
exceptione maiores. & infers: Quid horum simile habent resuitæ?

Non es versatus in libris Theologicis, calumniator.

Fuit magnus Bembus, sed nec parvus Canisius : fuit elegans Sadoletus, sed nec infans Maphæus : fuit zelantissimus Contarenus, sed nec Gregorius de Valentia tepidus est. Fuit Polus eloquens, sed nec Perpinianus mutus est. Quo loco Turrianum, quo Toletum, quo Belarminum habeas, ignoro : sed citius tu, orbis Christiani iudicio, & infans habeberis & improbus, quā isti nō magni.

Aīs lucubrations eorum ita refutatas ab Hæreticis, & ita profligatas, vt luculentam quoq; plagam tota Ecclesia nostra Romana acceperit.

Ita profligatas & ita refutatas & Pudet me victorię vestræ, Euangelici: sic profligasti Iesuitas, vt reuerti in certamen possint: sic refutasti, vt tacere non possint. Vellim impudentiæ tuæ, pudentiorem exitum quæsiuisses. Omnis quidem arrogantia odiosa est : sed illa de multarum rerum cognitione multò molestissima. Languens es ineptissime Iesumastyx circa quæstiones verborum, & nihil sciens. Ecclesia Romana luculentam plagam à Iesuitis accepit & Hic ego te profecto mentirum dicerem, nisi vererer ne putares (ita enim stupidus es) me dicere te mente tota constare. Id quidem verum esse vellent Euangelici, vt Romanam Ecclesiam oppugnarent Iesuitæ: sed interim ipsi eorum magistri & ministri, editis in vulgus libellis, & pictis propolitis tabellis, in oculis omnium gentium confitentur, nutantem Ecclesiam Romanam, Iesuitarum studio, labore, diligentia, ope omnium rerum sustineri, quas tu profecto oculis ipse tuis usurpare in Euangelicorum Bibliotecis potuisses, si in lucem aliquando ē tenebris & puluere Leuartouensi prodijsses. Sed tu, vt video, non solum es, sed etiam videri vis infans ineptissimus. Videris autem quām tibi rectè cum Volano tuo Zuinglio caluinista conueniat, illo scilicet in Lithuania succipienæ cœnæ structore. Is enim Iesuitas ait, tam obstinatè doctrinam Ecclesiæ Romanae defendere, vt nullū in ea prorsus, licet corruptissima, næuum agnoscat.

Quod aīs : Ecclesia nostra Romana. Vereor ne tibi inuito verbum hoc exciderit :

Aug

*Aut ars vulcanum, (ait ille) aut forceps ignaria scellit.
Et gaudi voluit cedere, cudit egyptiv.*

Sic tu vestra voluisti, nostra Romana dixisti: nisi forte
eo sensu voces nostram, quo pedem & nostrū dicimus,
& lecti & scamni & carminis, quo canem & venaticum
& marinum & sydus appellamus. Sed potesne tu esse Ecclesiae
Romanae membrum, qui tantum Hæretico Fricio
tribuis, à Romana Ecclesia reprobato, vt hominem bo-
bus stabulandis, stercorandis q̄z agris deditum, propterca
quod de Repub: nescio quid garriat, Hosio & Cromero
similem facias: qui ex nomine Sanctissimae Trinitatis &
& Crucifixi imagine, Sanctorumq; & Sanctarum memo-
riis delicias tibi facis? Potesne tu esse Ecclesiae Romanae
filius, qui religiosorum virorum statum, quos vulgo
Monachos vocamus, tam vilia mancipia putas, vt Iesu-
itas, ignominiae causa Monachos voces? Omnium est
communis inimicus, qui hostis suorum est. Nemo, cre-
de mihi, sapiens proditori suorum inquam credendum
putauit. Eadem itaq; fide abs te dictum putabo, id quod
fateris, qua illud, quod negas.

*Facis disputationis Lublinensis mentionem inter Catholicos & Antitrinitarios, & Anabaptistas. Infantem te dixeram, nunc mendacem conuinco. Habita est ea disputatio in Ecclesia Lublinensi Societatis Iesu. Progressus in medium Cze-
choucius, Archiflamen illuc Anabaptisticae doctrinæ,
sesquipedalibus verbis professus est, se non contentionis
studio, sed inuenienda veritatis desiderio in arenam de-
scendere. Deumq; precari, vt quicunq; opprimendē ve-
ritatis studio, & cupiditate inflammatus verba mendacijs
loqueretur, illico potius obmutesceret. Quid autem con-
secutum est? Audi & iniurato crede, nec quenquam tuis
fabulis fallas. Cùm multa illa sua Protopopeia contra
Deum, Ecclesiam, contra primatum Romani Pontificis,
& Petri claves hinc & inde acta essent, nec acquiescere
veritati*

veritati clamosus Czechouicius vellet; ea protinus percussus est maledictione, quam erat comminatus veritatem oppugnanti. Subito enim hominem vox defecit: nec vllum amplius contra Iesuitam potuit verbum fundere: ita ut à suis è media disputatione languens abduceretur. cùm interim nil aliud sentiret incommodi, quām vocis defectionem. In eius locū successit Niemoieuius, quem tu aīs verbera sensisse: ego nescio, aut, si sensit, scio virum nobilem non libenter pugnos edere, multò minùs Iesuiticos. Faciliūs ego tibi ostēdam edisse Petrum Scargam pugnos Euangelicos, cuiusdā Oczucnouij, nec satis hoc. Calumniis etiam appetitum probabo, quasi pro cōcione docuerit, omnes obuios Euangelicos in faciem conspuendos: sed nondum huius venit tempus sermonis.

Quod libellum doctissimi viri Posseuini facem vocas ad excitandum incendium, cumq; aīs omīssis eruditioñis sue armis doctrinæq; instrumentis, ad barbaricam crudelitatem & feritatem decurrere.

Si eam Epistolam intelligis, quam vir ille zelantissimus Serenissimo Regi Stephano aduersus Volanum inscripsit, vbi ait, Hæreticos ab antiquissimis Synodis anathemate plexos, atq; vt putrida membra ab Ecclesiæ corpore ressectos. Non Posseuinum (ô carissime) reprehendas necesse est, sed eos quorum id quod dicit, decretis & autoritate confirmat. Theodosium, Valentinianum, Marianum, Carolum Magnum, Ludouicum Galliæ Regem: sed omnes orthodoxos Reges & Principes. Quid Reges & ipsum vas electionis Paulum, qui iubet eos abscondi, qui fratres conturbant. Quid Paulum, imò Pauli Dominum & Præceptorem Christum, qui vt Ethnicum & publicanum, habendum pronunciat, Ecclesiam qui non audierit. Nollis, sat scio (leges enim vt laqueos oderunt Euangelici) sanctissimi illius Korcinensis Decreti in Generali Parlamento, sub anno Domini 1438. contra Hæreticos promulgati, vllam isto loco fieri mentionem. Sed nec illius constitutionis, quam in oppido Vielunensi

Wladislaus

Wladislaus Iagello promulgauit, cuius verba sic habentur.
Quicunq; in Regno Poloniæ nostro, & terris nobis subiectis, hæreticus, aut hæresi infectus, vel suspectus de eadem, fautor eorum vel director repertus fuerit, per nostros Capitaneos, Consules ciuitatum, & alios officiales ac quoslibet subditos nostros, siue in officiis, siue extra viuentes, velut Regiæ Maiestatis offensor capiatur, & iuxta exigentiam excessus sui puniatur. Hæc inquam tu omnia sempiterna sepulta obliuione cuperes, ne te non solum Cæsareis; sed Regum quoq; tuorum legibus & decretis reprobatum daminatumq; audiamus. Sed veritas nil aliud timet quam taceri. Expedit tibi audire, quod auditum non possis damnare. Obstringit sese illo Corczinensi decreto Rex, & ordines omnes Regni, sub fide & honore, quod insurgere vellent contra omnes ad eorum destructionem (hæc enim sunt legis verba) quicunq; in Regno errores hæreticales, tenere, fouere, promouere, manu tenere vellent. ex cuius tu legis laqueis, nunquam euades profecto, quam diu prope modum eris Ecclesiæ Romanæ alumnus, nisi forte ita impudens esse perseueres, ut sicut Posseuini libellum, sic hoc ipsum Regis & Regni sapientissimum decretum, facem vocare libeat, ad excitandum incendium, idq; sine dubio verbū vomuisses, si Decreti huius fieri mentionem aliquando audiuiisses.

Ais deinde : *Quamobrem concilium non convocatur ? cur publica disputatione non instituitur ?*

Quò longius progrederis, in plures te laqueos induis, quorum ex nullo (crede mihi) te ynquam expedes. Si coactum Concilium Tridentinum cognouisti, cui illud ipsum patriæ nostræ lumen pulcherrimum, quem paulò ante dilaudasti, Hosius Cardinalis præfuit; cur, quæso te, de industria in odium offensionemq; veritatis irruis ? Si per ætatis imbecillitatem, perq; occupationes adolescentiæ, nihil audiuiisti, ex me audias. Noli quæsto te turpe ducere, quod diu non didicisti discere. Si cum

Romana Ecclesia sentires: si quod singis matrem eam tu-
am putares: conuocatum, coactum, publicatum, cele-
bratum, perfectum, absolutum, exequutioni mandatum,
Concilium Tridentinum non ignorares. Sed vos recte
quidam Aesopo & Marcholfo similes facit, qui arborem
inuenire nullam potuit, in qua sibi vitam vellet iniecto
laqueo eripere. Euangelicorum proprij sunt isti fremi-
tus. Fiat Concilium: libera cogatur Synodus. Postquam
coacta est; aiunt non esse liberam: postquam libera decre-
ta est; aiunt ad Cæfarem, non ad Pontificem, ius congre-
gandi pertinere. Postquam congregatum tamen est; ar-
mis illud hostilem in modum dissipant, & Concilium
nationale, in intima Germania efflagitant, nec satis hoc;
Colloquium publicum & disputationem in Comitiis
Imperi decernunt. Vidimus, legimus, Comitorum re-
cessus, ubi ista quæ dicimus per Euangelicos Principes
ab optimo Cæsare & ab Ordinibus Imperij, Regalibus
adiunctis minis efflagitantur. Vidimus & leges Ratisbonæ
descriptas, è quorum sententia Vormatiensis disputatione
institui debebat: ex ea porro pacem toti Germaniæ redi-
ditā iri sperabant Euangelici; sed natus est ridiculus mus.
Nam cùm illi ipsi Euangelici Doctores, & Rabini, asse-
sores, Iudices & Notarii, conuenire inter se non possent;
nullo facto operè pretio, è medio cursu disputationis abi-
erunt. Lepidè itaque facis, quod Concilium congrega-
tum ignorare te simulas: quod ni faceres; te Hæresecos
conuictum, ut Hæreticum damnatum, Anathemate per-
cussum, Sathanæ traditum nescire non posses. Fugis vi-
delicet, ut ante diximus, illud audire, quod auditum non
posses damnare. Molesta quippe est lippis oculis solis
claritas: dura sunt improbis animis præcepta pietatis. Le-
geres quoq; in illo ipso Concilio, de ea quam sceleratè la-
ceras religione Clericorum Societatis Iesu, deq; pio eo-
rum instituto à sancta sede Apostolica approbato. Sed
parcam stultitia tua, nec diutiùs in isto sermonis genere
immora-

immorabor, ne nobis illud magistri tui occinas: Quid
nobis & tibi, venisti huc ante tempus torquere nos.

Ais deinde: iuuentutem numerosam habent suis in scholis, quibus
artibus eam colligant & retineant, metuo, ne sero admodum animaduertas
mus, & tum demum relimus ei malo remedium adhibere, cū non poterimus.

Non miror quod non videas, quibus artibus iuuen-
tutem & colligant & retineant Iesuitæ. neq; enim præ ira-
cundia, vel officij tui, vel periculi, vel pietatis, vel huma-
nitatis, vel veritatis rationem habes villam. At viderunt
viri Dei, illa orbis Christiani lumina, Hosius & Crome-
rus, quorum alter Societatem primus omnium in Polo-
niam introduxit: alter etiam fouit. Vedit optimus Epi-
scopus & Senator Noscouius, qui Pultouiense, vedit
Episcopus Posnaniensis Konarski, qui Posnanien. vedit
Episcopus Valerianus, qui Vilnense Collegium, ex ædi-
carunt: & Nobilissimam Regni iuuentutem, his, quos tu
odisti, sociis & præceptoribus regendam & gubernandā
tradiderunt. Vedit post istos omnes sapientissimus Rex
Stephanus, cuius inuicta virtus sola pietate superata est,
qui Polocense, Rigense, Derpatense, Claudiopolitanum,
Albaiuliense, Varadinense Collegium excitauit. in quo
iuuenum animos, ad omne officij munus Societas erudi-
ret. Vedit & videt Illusterrimus Archiepiscopus Gne-
znensis Karnkouius, qui maximo suo sumptu scholam
Calissiensem excitauit. Vedit & videt Comes Rozrazo-
uius Vladislauiensis Episcopus, qui fælicissima Nouen-
sis Collegij in Pomerania iecit fundamenta. Vedit & vi-
det Illustriß: Princeps Olicæ Dux, Nicol: Christoph:
Radziuilus, qui Niesuefense Collegium erexit: Vedit ad
extremum is qui nobis fæliciter imperat, Sigismundus
tertius pientissimus Rex. Vedit sapientiss: Regni Sena-
tus. Vedit ordo Equestris vniuersus, qui illud ipsum Ie-
suitarum Niesuefense Collegium, & attributos illi redi-
tus, in Regni Comitijs publico Senatusconsulto, appro-
bavit, esseq; Iesuitis in Regno perpetuos voluit. Hos si-

non vidisse, non intellexisse, non animo & cogitatione
percepisse dixeris, quibus artibus iuuentutem numero-
sam ad suas scholas colligant Iesuitæ, quibusq; re-
tineant; dignus profectò es, cui oculorum cubilia
eruant. Sed agam tecum leniùs, dignus saltem es,
qui in eas oras deporteris; vbi viuos homines mortui in-
cursant boues. Congruit veritati ridere, ait Tertull: quia
læta est: de æmulis suis ludere; quia secura est. Multa ri-
dendo possunt reuinci, ne grauitate adorentur.

Vis audire quibus artibus iuuentutem numerosam
ad suas scholas colligant Iesuitæ? Nil in discipulis præ-
ter discipulos amant. Quidquid docent; faciunt. (Æstima-
ri autem præceptoris magnitudo non potest, vita qui
docet) Doctos facere discipulos, sed magis bonos con-
tendunt. Ad usum vitæ non ad confuetudinem scholæ
loquuntur. Nouæ multa, sed noua nulla docent. Nil
habent melius quod optent, quam ut discipuli De-
um & proximum diligant: & hoc solum auditoribus
suis, ex omnibus quas profitentur litteris proponen-
dum putant, quod virum bonum faciat. Vitæ in eo
fructum statuunt, si discipuli quotidie magis cœlum;
mundum minus diligunt. Huc accedit, quod non
contenti sunt remedia monstrare; etiam admouent. Non
sicut medici inter ægros quos perambulant, sine ullo af-
fectu venam tangunt, & abeuntes remedia disponunt;
sed sicut amici, propria & peculiari cura & studio di-
gnum discipulum putant. In singulos dum docent, ani-
mum & cogitationem dirigunt; ut quæ pro lectione pro-
ponuntur, non quasi in medium proiecta manibus exci-
piant, sed quasi singulis porrecta in animum demittant.
Operam enim quam præstant, non tantum ipsis præstant,
sed tanquam ipsis. Nemo potest dicere; nullam habet
cogitationem mei: non in sinu meo ponit; sed in medium
projicit verba. In turba enim multorum, præcipuum de
singulis curam habent, non tanquam publici partem, sed
tanquam

tanquam proprium cuiq; dantes beneficium. Laborem in
docendo, & molestum illud tedium, quod oscitantes
discipuli pariunt, sine supercilie deuorant: hortando bo-
nam indolem erigunt: laudando animum addunt, mo-
nendo desidiam discutiunt: ingenium latens & pigrum,
iniecta manu extrahunt: nolentibus timore adhibent: nec
ideo discipulis prosunt, vt profint & sibi; aut eos faciane
vtilitatis suae instrumenta; sed omne laboris sui præmi-
um in eorum profectu statuunt, ad suspecta tempora oc-
currunt: nullum illis ministerium oneri, nullum fastidio
est. Profectum discipuli, vitam: mortem; inertiam putant.
Præceptores profitetur; amicos agunt, & quod in omni-
bus eorum studijs eximium est; cum sciant paucis opus
esse ad bonam mentem litteris; omnem simul sapientiam
in cōpendio tradunt; **T I M E R E D O M I N U M**. Illud quo-
tidie sine modo, & sine fine discipulis occinentes. In quo
vno omnes disputationes, omnes litteras quorumlibet
Philosophorum: omnes leges quarumlibet ciuitatum: o-
mnia præcepra Mosis & Prophetarum: omniumq; diui-
narum & humanarum disciplinarum summam contineri,
dicit Augustinus; Diliges Dominum Deum tuum, ex to-
to corde tuo, ex tota mente tua, & proximum ut te ipsum.
Huc Phisicam dirigunt, quoniam omnes omnium natu-
rarum causæ in Deo creatore sunt. Huc Ethicam; quo-
niam vita bona & honesta, non aliunde formatur, quam
cum ea quæ diligenda sunt, quemadmodum diligenda
sunt, diliguntur, hoc est Deus, & proximus. Huc Logi-
cam, quoniam veritas lumenq; animæ rationalis, non nisi
Deus est. Huc etiam Rempub: Neq; enim conditur &
custoditur optima ciuitas, nisi fundamento & vinculo
fidei, firmæq; concordia. cum bonum commune diligi-
tur, quod summum ac verissimum Deus est, atq; in illo
inuicem sincerissime se diligunt homines, cum propter
illum se diligunt, cui, quo animo diligent, occultare non
possunt. Ad quem certè finem nisi omnis omnium artiū

& disciplinarum, omnium Doctorum & Præceptorum
cursus dirigatur, scientia quæri potest, inueniri non po-
test. Hæ sunt artes (ô bone) quibus animos capiunt. Hæc
vestigia quibus incedunt. Hæc offa quam obij ciunt. Hi
sunt hamî quos inferunt. Hic viscus cui discipuli inhæ-
rescunt. Tales se planè Doctores isti noui & Præcepto-
res Iesuitæ exhibent, quales esse iubet doctissimus Lyri-
næ cùm ait; O sacerdos , ô tractator , ô doctor : Si te
diuinum munus idoneum fecerit, ingenio, exercitatione,
doctrina ; esto spiritualis tabernaculi Beseleel : prætiosas
diuini dogmatis gemmas exsculpe, fideliter coapta, ador-
na sapienter, adjice splendorem, gratiam, venustatem.
Intelligatur te exponente illustrius , quod antea obscu-
rius credebatur. Per te posteritas intellectum gratule-
tur, quod ante vetustas non intellectum gratulabatur :
eadem tamen quæ didicisti, ita doce; ut cùm dicas nouè,
non dicas noua. Fas est etenim, dicit paulo post : vt pri-
scia illa cœlestis Philosophiæ dogmata processu tempo-
ris exornentur, poliantur, limentur: sed nefas est vt cōmu-
tentur, nefas vt detruncentur, nefas vt mutilentur. Acci-
piant licet euidentiam, lucem , distinctionem; sed retine-
ant, necesse est, plenitudinem, integratatem, proprietatem.
Exclamas deinde : Putatisne, Senatores, disciplina Monachorum
iuuentutem ad res rectè gerendas erudiri posse?

Et hoc impotens animi signum est, omnibus in vni-
uersum sine fine irasci. Sed tu de industria in Regum &
Legum offensionem incurris. Tecumne es ? O quām verè
Paulus nil scientem Hæreticum appellauit ! Hic ego te
non verbis è Donato; sed legibus, sed Decretis, sed statu-
tis , sed grauissimis Senatusconsultis è Regni Statuto
conuincam : in quo lex illa Sigismundi Regis laudatissi-
mi legitur, quæ Regni Poloniæ Abbates omnes obstrin-
git, vt Nobilium filios in suis monasteriis ad omne officij
munus instituendos & erudiendos suscipiant, verba le-
gis sic habent ; Tenebuntur Abbates certum numerum
puerorum

puerorum Nobilium fouere in Monasterijs, & illos inibi
hominibus doctis artibus liberalibus dare instituendos.
iuxta quod vnicuiq; Abbatii, Domini Episcopi illorum
locorum consignabunt & nominabunt. Deinde verò
meminisse debebas Cazimirum Primum in Cluniacensi
Benedictinorum Monachorum sodalitate educarum, &
institutum, tanta cum pietatis & fortitudinis laude Regni
Poloniæ clavum tenuisse, vt Maslaum Masouiorum ty-
rannum deleret, rebelles Prussos reprimeret, acerrimos
Iazuingas penitus extingueret: pacem Regno redderet:
Dei cultum augeret: Domicilia multa Christi seruorum
erigeret: & nomen ad extremum Instauratoris Pacifici
consecutus esset. Stephanus quoq; Rex laudatissimus,
ille inquam Rex, cuius virtutem hostes, misericordiam vi-
eti, fidem & prudentiam, cæteri omnes perspexerunt inter
eos quos ex Italia in Poloniā euocabat, vt in optimis lit-
teris Regni iuuentutē erudirent, Patrem etiam Aquarium
Dominicani instituti religiosum esse voluit, præmiumq;
nō vulgare promisit. Camillum quoq; Tachietum Franci-
scanum, concionatorem suum aulicum: & Annibalem
Rosselli Bernardinum, in illa ipsa Academia Cracouiensi,
cuius causam te agere simulas, tum Philosophicas tum
Theologicas litteras profiteri voluit. Iudicet lector, vtrū
tibi garrulo adolescenti, an Regi sapienti, de Monacho-
rum disciplina fidem vellit adiungere.

*Quæ tibi de moribus italicis, Gallicis, Hispanicis in patriam inuenitis
garrire libuit;* hæc quoq; præteriſſes, si vñquam illud au-
diuisses, Regis ad exemplum totus componitur orbis.
Reges enim & Principes externi, quos patria nostra in-
tra hos paucos annos ex Gallia, Germania, Vngaria, ad
Regni gubernacula euocauit, non quatuor aut quinq; Re-
ligiosi in patriam inuexerunt, quicquid de maiorum no-
strorum simplicitate & integritate detractum est. Faci-
lius est si dicere fas est, ait Cassiodorus, errare naturam;
quàm dissimilem sui Princeps poscit formare Reipub.

Sed non

Sed non placet tibi scholas euerti. Benè est. aliter enim si dices, verbis ego tuis lumbos defractos optarem. Placet autem veterem potius reuocare disciplinam, & patriū morē præmia magistris & præceptoribus proponi, eos gratitudinis, & vtilitatis spe, ad scholasticum laborem suscipiendum excitari; Assentior. Age itaq; exoptatissime refomator, tabulas arripe, legem scribe, pœnam transgressorī statue: iube tuos Euangelicos census retentos dissoluere: ereptos redditus reddere: decimas interuersas repræsentare: agros adempros referre: pensiones descriptas com-portare: assignata à maioribus præmia illico dependere; mox videbis, crede mihi, Academiæ Cracoviensis Magistros & præceptores, ad scholasticum laborem suscipiendum, magis etiam atq; magis excitari. Sed vereor, vt tui similes clependi rapiendiq; consuetudinem relinquār, mallent illi quicquid adhuc supereſt, de viuo detrahere, quām erepta reddere: idq; sine freno timoris & pudoris, vbiq; possunt, impiè crudeliterq; exequuntur.

Ais deinde: sed Jesuitarum opera, studio & diligentia effectum est, vt Africa, Asia, America, Persia, Romanæ Ecclesiæ instituta & placiſta amplectantur.

Id quidem tu, sat scio, verum esse nolles; sed cùm rerum testimonia ipsa tua videat conscientia, etiam ipsa tua per se erubescit ratio, deficit interpretatio, obmutescit oratio: lege Surium, Masseum: lege epistolas Indicas, lege Ribadeneiram, lege quotquot de rebus Indicis scripserunt, & linguae tuæ modestiæ frenos impone.

Quæris deinde: quinam sunt illi viri? quæ est ista pietas? quæ prudentia? quæ ritæ sanctimonia? vt tantum bonum orbi christiano importauerit. Ausculta, & mea dicta deuora. Proprius est hic gentis nostræ mos; consilia sua, non præcedente sapientia, sed consequente experientia, moderari. Doleo quod ita sis & tui & rerum planè omnium oblitus, vt ea ignores, quæ Gallia, Germania, Hispania, Lusitania, Vngaria, ipse quoq; nouus orbis, & ultimarum sola terrarum non ignorant,

ignorant. At si tibi Senatoris & Consiliarij munus suscipere libuit, non discere ista debebas, sed didicisse. In omnibus, ô puer, (libet te Platonis verbis appellare) unicum principium ijs qui benè consulere volunt, est intelligere, quid illud sit, de quo consultatur : vel omnino aberrare necesse. plerosq; verò latet, quod nesciant rei substantiam. Tanquam igitur scientes in dispositionis principio non declarant, procedentes verò, quod par est consequitur, vt nec sibi nec aliis consentanea loquantur. Ne sis ergo nesciens, aut in Repub : Christiana peregrinus; narro tibi qui sint isti viri. Si Deum nosti : aut illi res mortalium curæ esse credis, inficias ire non poteris, etiamsi sis impudentissimus, apta eum & conuenientia remedia, singularum ætatum & temporum, morbis atq; incommodis adhibere consueisse. Cogunt (ait Augustinus) multas inuenire medicinas, multorum experientia malorum. Magnis olim erroribus Chaldeorum populi tenebantur, cum rerum cauas, ad motum syderum; non autem ad Dei potentiam, & voluntatem referebant. Sed misericors Dominus ferre non potuit, vt in errore turpisimo consumarentur. Suscitauit enim oportunitissimo illo tempore, admirabilem illum Patriarcham Abrahamum, qui fuit illis quasi via recte fidei, creatoris omnipotentiam ostendens, & à cultu & veneratione rerum creatarum auertens. Ægypti mirum in modū erat præstigiatorum artibus, & incantationibus, de statu mentis deturbati. Sed Dominus amicum suum illum magnū Moisēn exhibuit, qui dæmonum fraudes detegeret, & Domini potentiam & gloriam per verba & miracula prædicaret. Israelitarum rationes valde erant in aliquo tempore conturbatae. nullum enim certum Magistratum habebant, cuius imperio tenerentur; ecce subito Samuel diuinus afulsit, qui magnum praesidium inclinatis rebus attulit, & sub viuis imperium, Dei iussu, subiunxit. Achab ille Rex impius, Deum Patrum suorum dereliquit, & diuinum cul-

nun cultum manufactis simulachris adhibuit; sed Dominus Eliam Thesbiren suscitauit, qui Regis impotentiam frangeret, atq; ad vnius veri Dei cultum reuocaret. Procedente tempore suscitauit Satanás in Asia Mamalucos: suscitauit Dominus Templarios. Suscitauit Sathanás Saracenos Ptolomeiden oppugnantes: suscitauit Dominus sex viros Lubecenses & Braunschweigenses primos eius ordinis autores, quem Theutonicorum appellant, strenuos terræ sancte defensores. Suscitauit Satanás Turcas Asiam infestantes: suscitauit Dominus nobilissimum ordinem Equitum Hierosolymitanorum illis obfistentes. Saraceni Belgicam occupauerant, magnaq; premebant seruitute: suscitauit Dominus in Lusitania Equites Iesu Christi, qui vim immanem barbarorum profligarent, & suos libertate donarent.

Magna fuit olim Christianorum vis in captiuitatem abducta; & statim Dominus ordinem S. Mariæ, redemptionis captiuorum, duce & auctore Iacobo Aragoniæ Rege excitauit. Sed longum esset omnia, omnium ordinum & religionum genera, opportunissimis humano generi temporibus à Dei benignitate suscitata memorare. Ipsa S. Francisci, & S. Dominici familia, quām opportuno Reipub: Christianæ tempore initium acceperit, obscurum non est.

Sic existimare debes suscitatam fuisse à Domino, isto nostro seculo, eam quam iniquo odio tam acerbè oppugnas I E S V Societatem, tanquam Antidotum quoddam carum pestium, quas Luterus in orbem Christianum introduxit. Pax & tranquillitas, qua Ecclesia Dei longo tempore fruebatur; partim extinxerat, partim debilitauerat feruorem illum pietatis, quo maiorum voluntates inflammatæ videbantur. Intermisso erat frequentior Sacramentorum usus: obtorpuerat Confessionis & Penitentiæ studium: languere cœperat conscientiarum examen, contemplationum assiduitas: meditationum desiderium;

derium : remissa videbatur hospitalium cura, Catechumenorum instructio: xenodochiorum sollicitudo : captiuorum redemptio, fraterna correctio, Concionum assiditas, Sacrificij frequentatio, ciliciorum & macerationum usus : dormire quodam modo in summa Ecclesiæ Dei pace videbantur homines, viuebant vitam habentem ut Pindarus loquitur μελιτός τον έυδιάν, cōtenti præsentibus. Interim venit inimicus homo & superseminauit zizania, earum Hæresum & pestium, quibus orbem Christianum afflictum videmus & dolemus. Sacram scripturam corrupit, Symbolum violavit, Sacraenta minuit, Trinitatem blasphemauit, Patres & Concilia contempsit, Imperia perturbauit, viam ad Atheismum aperuit. Quid autem mali non fecit? Has animarum ruinas, non ferens misericors & miserator Dominus; suscitauit admirabiles illos Ecclesiæ suę Iauissimā και τηληκότους προστατάς verbo & opere potentes, quorum ora vos Euangelici, vestra vos remordente conscientia, in illa die tremenda non feretis Eckios, Roffenses, Moros, Polos, Taperos, Hesselios, Sotos, Hosios, Cromeros, Sanderos, Socolouios, Pseudouios, & mille alios. qui cum egregiè suo munere, suaq; legatione functi, pro Christo fuissent, & pleriq; etiam usq; ad sanguinem restitissent; quos vos igne, ferro, laqueo, equuleo, omni suppliciorum & crudelitatum genere lacratos obtruncatis ; & his præterea calumniis onerastis, quasi quam profitebantur fidem, eam non ob amorem Christi, aut veritatis studium, sed ob Papæ metum, ob censuum, reddituum, Episcopatum, & id genus amorem tuerentur; Visum est vicissim Domino, nouos homines suscitare, sine re, sine fede, sine Episcopatibus, sine Abbatii, sine pera, & gladio: inermes, incomitatos, viles in oculis seculi: nil timentes nisi Deum, nil sperantes, nisi à Deo, qui mortem pro Christo lucrum putarent: occidi possent,vinci non possent. quorū societas esset, vt Ioannes in sua Epistola loquitur, cum Patre & Filio eius

IESV C H R I S T o, eosq; ceu quasdam auxiliares leuior-
is armaturæ copias, in medias Euangelicorum acies, in
ipsa vestra viscera immittere. quæ vos in omnibus orbis
Christiani partibus, quas veneno vestro infecistis, Ger-
mania, Gallia, Anglia, Scotia, Polonia, Bohemia, Vngar-
ria, Suetia, telis verbi Dei conficerent. veritatis spicula
intorquerent, in vestris ciuitatibus; in oculis vestris vo-
biscum viuerent: vbiq; vobis etiam inuitis, & nolentibus
occurserent: nec solùm voce & calamo, sed etiam asper-
etu silentioq; suo, vestræ vos perduellionis, & rebellionis
admonerent. & illud quotidie, quod olim vestri similibus
hæreticis Augustinus, occinerent; Quod Dominus in
cathedra vnitatis, posuit doctrinam veritatis. Cathedrā
autem vnitatis in ea collocatam ostenderent, quæ caput
est orbis, vrbe Roma, cuius fidem, vt apud Hosium legi-
tur, Apostolica voce laudatam esse scimus, in qua per-
petuò conseruatam eam fuisse, quæ est ab Apostolis, tra-
ditionem refert Irenæus: cui totam doctrinam Apostolos
vnâ cum sanguine suo profudisse Tertullianus asserit. ad
quam accessum habere perfidiam nunquam potuisse, te-
statur Cyprianus. quam ita semper incorruptæ Patrum
doctrinæ fuisse tenacem, vt quoties Romana fides dice-
retur, Catholica intelligeretur, ex his quæ scripserunt,
Hieronymus & Ambrosius, didicimus. in qua semper
Apostolicæ cathedræ viguisse Principatum narrat Augu-
stinus. quam hæretici fœtoris semper expertem perman-
uisse, nec vnquam in ea, qui contrarium sentiret, sedisse;
quin potius Apostolicam gratiam inuiolatam custodi-
uisse testatur Theodoretus. ad quam propterea de fidei
causis iam inde ab ipsis Apostolorum temporibus, nun-
quam non relatum fuisse, qui seculis aliquot fuit posteri-
or Bernardus asserit. quod ibi potissimum sarcita iri da-
mina fidei, spes foret, vbi fides non posset sentire defectū.
Idq; etiam inuitis & reluctantibus vobis, ipsis inferni por-
tis frementibus, tanto cum fructu vtilitateq; faciunt; vt
omnis

Omnis iste, quem fabricare orsi estis, Satanismus, in patria præsertim nostra, animam agere, & extremā partem deficientis Spiritus retinere videatur. Dicentibus Heluetiis; Fides Luteri iam vltra Rhenum periit: dicentibus Anglis, & vltra mare, Gallis, & vltra Alpes; Polonis, & vltra Isthmulam: Vngaris, & vltra Danubium. Dicentibus Italiam, non transit montes: dicentibus Hispanis, nec Pyreneos. Calvinismus enim velut nouus Iupiter successit, & garrulum Luterum, velut vetulum Saturnum explosit: sed & ipse iam nutat, & Trideismus exulat. His porrò omnibus extremam mortiferam plagam Ateismus intentat. Vnde apparet, ô Euangelici Christum non esse vobis propitium, qui ne defensus quidem (hoc enim agere vos fingitis) vos defendit. Quæ rerum conuersio sine pietate & prudentia Antagonistarum, & sine vita sanctimonia expectari certè sperariq; non poterat. De quibus quia quæris, quænam sint ista, ut tantum bonum orbi Christiano importauerint. Respondebo tibi. Paternus affectus laborem non metuit.

Scias velim Societatis huius primum ac præcipuum esse institutum; Hæreticos ab erroribus, Catholicos à malis moribus, Gentiles à falsis de Deo opinionibus reuocare, atq; ad unius veri Dei cultum pietatisq; studium ardentius complectendum adducere. Id autem ut efficiacius præsent, verbo se prius vitaq; exemplis in suis contuberniis instruunt, diligenter enim prius omnia discunt; antequam doceant. Vitæ sordes lachrymis quotidie & oratione eluunt: carnis cupiditates comprimere, atq; sub rationis imperium subiungere contendunt, iejunio, cilicio, humili cubatione, Dyamastygoſi & id genus alijs carni repugnantibus exercitiis. Hinc sese totos ad rerum diuinarum contemplationem transferunt. in qua quò magis exercentur, eò magis hæc quæ videtur omnia, opes, honores, vitæ commoditates, ut fumi umbram, vel sicut Paulus loquitur, ut stercore reputant. Quò magis

autem omnia istiusmodi contemnunt; hoc magis in soli-
us Dei amore exardescunt: hoc libentiū meditationi-
bus vacant. quas recte quispiam conflictum esse, dixerit
sine sanguine. Quem autem quis amat, omnino cauet ne
vlla vinquam ratione offendat. Inde fit; vt in custodia sui
ipsius vigilantissimi sint, horasq; omnes auarissimè ser-
uent. Manè, diuina in se, & in genus humanum beneficia
recognoscunt. Meridie, & vesperi exactissimam, cum ani-
mo suo rationem ineunt, quid horis singulis egerint; o-
mnibus vestigis accuratissimè scrutantes, si quæ illicita
desideria mentem inuaserunt: si diutius hæserunt, si con-
sensum extorserunt: si etiam voluptatem attulerūt. Ipsam
deinde linguam ad iudicium aduocant, si quid loqui pro
Dei gloria omisit, si quo verbo proximum læsit, si quem-
piam calumnia opprescit, si tacenda dixit, aut dicenda
tacuit, hinc manus & opera excutiuntur. Porro si quæ
macula depræhenditur, dum paruula est, ad petram al-
luditur, lachrymarum balneo eluitur, Cataplasma confes-
sionis applicatur, & vix in alteram horam medicina re-
seruatur. Ad eum modū disposita vitæ ratione, compres-
sisq; carnis cupiditatibus, animi culturam adhibent seq;
in diuinorum librorum, Sacra scilicet scriptura, Sancto-
rumq; Patrum lectione, & meditatione penè incredibili
studio, & contentione exercent, volentes esse parati, iuxta
Pauli præceptum, rationem reddere omni poscenti, de ea
quæ in illis est fide. Postquam autem caro rationi, ratio
Deo subesse atq; obtemperare didicit, ab his qui præsunt,
in vineam Domini emituntur, atq; ad operas distribu-
untur. Non enim in sola contemplatione: nec in sola
actione vitæ summam sitam putant: Sed quo Dei gloria,
quo salus proximi, quo vocat Ecclesiæ necessitas, siue ho-
rum alterum, siue etiam vtrunq; adhibent. Alius itaq; cō-
fessionibus penitentium excipiendis vacat: alius Sacra-
mentis distribuendis, aliis ægrotorum & debilium cura
destinetur: aliis in agone positos consolatetur, aliis in xe-
nodoxio

nodochio languentes curat: alius è carcere vindos liberat, dissidentes conciliat, vagantes per urbium vicos ad templum congregat, per exiguae villulas & deuinā oppidula Catechismum & doctrinam Christianam prædicat, egentes opulentis commendat. Alij sunt vicissim qui refutandis hæreticis operam nauant, in medias sese Hæretorum acies proiçunt, & omnia simul & faciunt & patiuntur, ut Christi Dei nostri nomen glorificetur, concionando, scribendo, disputando. Aliis non satis est orbis iste, his nostris oculis obiectus, & his calcatus vestigiis; Oceanū vniuersum emetiuntur, nouas gentes, ignota orbi nostro Regna & Imperia, in vltimis terrarum partibus scrutantur, quibus Deum verum annuncient. nulla deniq; est orbis vniuersi ora, sedes, locus, inter Christianos, Machometanos, Hæreticos, Ethnicos, quo non fuerit sonus Iesuitarum, CHRISTI nomen prædicantium, exauditus. Non remoratur eos Tyrannus, non impedit Oceanus (& qui maior Oceano murus?) persecutor non deterret, percussor non frangit, quominus ubiq; Dei annuncient voluntatem. Quam tu, sat scio, pertinaciam, & zelum non secundum scientiam appellabis. Sed si tibi Dominus aliquando Spiritum humilitatis, quo omnes destituuntur Euangelici, dederit. Dabit autem, si in recta fide nihil hesitans postulaueris; iudicabis profecto, nil nimium esse graue amanti. Cæterum non est difficile diuinare, quid malles. Illa tu studia hymnis chorealibus efferves, in quibus ætatis tuæ florem contriuisti. In illis tu mensis & occupationibus Iesuitas videre velles, in quibus nil agitur, quod foras proferendū sit: vbi diurne nocturneque perpotationes πάταγω τε καὶ λαλήσθωσυθεῖς per aguntur, in quibus te videre possēt, ut Anacreon loquitur;

Iuuenc in scyphis valentem :

Minime in scyphis pauentem :

Lepidum in scyphis chorcuten :

Cytardus

*cystaraq; concinente
remulenta verba fundentem.*

Vbi alius inter manus è conuiuio tanquam è prælio auferatur, alius tanquam occisus relinquatur, alijs fusi sine mente, ac sine ullo sensu iaceant. quiuis vt cum aspiceret; non ingenuorum conuiuium, sed Orensem aut Grunevaldensem cladem & pugnam videre arbitraretur. Sed solenne est, iis qui in amore & voluptatibus adolescentiam suam collocarunt, hanc etiam vitam, atque hæc studia dilaudare.

Quod ad iuuentutis institutionem attinet, quam bonis artibus & moribus imbuendam suscepereunt. Si dixerim; quod Spiritus sanctus huius consilij & cogitationis initium Societati attulit, non ero similis tibi mendax. Maiorem quippe curam, ait Augustinus, adhibere oportet, in educatione; quam in procreatione liberorum. Non enim felicitas est habere filios, sed bonos habere. Plato quoq; nil accuratiū admonet; quam optimam, ac diligentem puerorum institutionem, ex qua una salus penderet Rerumpub. Magistratus enim optimos haud posse fieri, nisi ciues viri sint optimi. ex quibus Magistratus creantur. Viros porrò nunquam fore tales, nisi adolescentes, pueriq; tales sint. Quamobrem etiam nutrices monuisse dicitur, ut ne turpes ac friuolas fabellas pueris occinant, ne illorum animos statim ab initio, stultitia, & corruptis imbuant moribus. Plutarchus etiam paterna putat appellatione indignos, qui plus studij ac temporis ponunt in comparandis pecuniis, quam in filiis quibus pecuniam relinquunt, ad virtutem effingendis. neq; hoc aliud esse, quam magnam calceorum sedulitatem habere, pedem vero ipsum paruifacere. Cicero nullum munus Reipub: afferri maius posse testatur, quam si doceamus atq; erudiamus iuuentutem, iis praesertim moribus atq; temporibus, quibus ita prolapsa est, ut omnibus opibus refrenanda, atq; coercenda videatur. Certè D. Paulus

Timotheum

Tiniotheum suum hoc quodq; nomine commendat, quod ab infantia sacras litteras didicerit. Hieronymus verò tantus Ecclesiæ doctor, non erubuit & docere & scribere de Pacatulæ infantulæ educatione, deq; filiæ institutio-
ne ad Lætam. Facilis est enim ab improba vita ad im-
probam fidem transitus. vnde & Paulus loquitur, quod
multi repellentes bonam conscientiam, naufragauerunt à
fide. Et alibi: Radix omnium malorum est cupiditas,
quam quidam appetentes errauerunt à fide. Sapiens
quoq; testatur, quod in malevolam animam non intrabit
Spiritus sapientiæ, nec habitabit in corpore subdito pec-
catis. Spiritus enim sanctus disciplinæ effugiet factum, &
auferet se à cogitationibus quæ sunt sine intellectu. Vnde
fit, vt insignis ille orthodoxæ veritatis vindicta Athana-
sius, vitam prauam, parentem seu anteambulonem hære-
sis appellavit; Basilius gradum ad infidelitatem. Bonam
autem conscientiam, vbi mala sedem occupauit, aut tem-
perantiam vbi cupiditas imperium obtinuit, quam sit
difficile animis hominum inferere; tu fortasse non nosti,
qui in hoc contentionis genere vestigium nullum posui-
sti. sed norunt hi qui quotidianum certamen, cum carne,
mundo & sanguine suscipiunt. Longo tempore, ait Augu-
stinus, magnis viribus, diuersis artibus opus est, vt per-
suadeatur superbis, quanta sit virtus humilitatis, vt per-
suadeatur cœcis, quanta sit gratia lucis: vt persuadeatur
ebriis, quanta sit virtus sobrietatis. Adolescens enim, ait
Salomon, iuxta viam suam ambulans, etiam cum senue-
rit non recedet ab ea; & Salomone vetustior Iob, Ossa, in-
quit, eius implebuntur vitiis adolescentiæ.

Visum itaq; est Spiritui sancto tam pios excitare Sa-
cerdotes, vt exemplo; tam doctos, vt & verbo iuuentutem
erudirent: talemq; animam formarent, quam inhabitare
Spiritus sapientiæ non dignaretur. Prior est, ait Au-
gust: in recta hominis eruditione, labor operandi, quæ
iusta sunt; quam voluptas intelligendi que vera sunt. Sed

ea de re nulla fortasse inter me & te controuersia est. Vnde
lui tamen partes earum occupationum attingere, quibus
distinentur Iesuitæ, quamq; magna ratione adducti sunt,
vt instituendæ Iuuentutis in timore Domini curam susci-
perent. teq; eadem opera, & quinam sint isti viri docere,
& quænam sit eorum pietas, vitaq; sanctimonia, ob ocu-
los ponere. Si mihi non credis, testes producam Roma-
nos Pontifices, quos si Christi vicarios putas (id enim
valde dubito) decretis eorum acquiescas necesse est.

Paulus tertius Pontifex Maximus, cùm Institutum
Societatis breui formula compræhensum legisset, vehe-
menter illud approbavit, & in eo Spiritum Dei inesse te-
status est, seq; non tenues fructus sperare, neq; exiguae ex-
tam exigo tenuiq; principio vtilitates ad Dei Ecclesiam
peruenturas expectare. quamobrem etiam illud Aposto-
lica sua autoritate Anno 1540. approbavit.

Iulius verò tertius ipsam etiam formulam litteris suis
inseruit, recepit, & approbavit, quam hic libet inserere.
Quicunq; in Societate, quam IESU nomine insigniri cu-
pimus, vult sub crucis vexillo Deo militare, & soli Do-
mino ac Ecclesiæ ipsius sponsæ sub Romano Pontifice
Christi in terris vicario seruire, post solenne perpetuaæ
Castitatis, Paupertatis & Obedientiæ votum, proponat
sibi in animo, se partem esse Societatis, ad hoc potissi-
mum institutæ, vt ad fidei defensionem & propagationem
& profectum animarum, in vita & doctrina Christiana,
per publicas prædicationes & lectiones, & aliud quod-
cunq; verbi Dei ministerium, ac spiritualia exercitia, pue-
rorum ac rudium in Christianismo institutionem. Chri-
sti fidelium in Confessionibus audiendis, ac cæteris Sa-
cramentis administrandis, Spiritualem consolationem
præcipue intendat, & nihilominus ad dissidentium re-
conciliationem, & eorum qui in carceribus, vel in hospi-
talibus inueniuntur, & ministerium ac reliqua charitatis
opera, prout ad Dei gloriam & commune bonum expe-
dire visum

dire visum erit, exequenda. gratia omnino, & nullo pro suo in prædictis omnibus labore, stipendio accepto, se vtilem exhibeat, curetq; primo Deum, deinde huius sui Instituti rationem, quæ via quædam est ad illum, quo ad vixerit ante oculos habere, & finem hunc sibi à Deo propositum totis viribus assequi. unusquisq; tamen secundum gratiam sibi à Spiritu sancto subministratam, & vocationis suæ proprium gradum, &c.

Gregorius quoq; XIII. Anno 1584. apertè constetur, non immerito fuisse ab antecessoribus suis Romanis Pontificibus multa huic Societati concessa, ob egregias, sic enim loquitur, virtutes, & dona diuinitus elargita, cùm illius finis præcipuus sit, Catholicæ Religionis defensio ac propagatio, animarumq; in Christiana vita & doctrina profectus. tūm etiam proprium esse gratiæ eius vocationis testatur, diuersa orbis terrarum loca, ex Romani Pontificis per Præpositos generales directione peregrare, vitamq; in quævis mundi parte agere, ubi saluandarum sua opera animarum copiosior prouentus ad Dei gloriam speretur. His tu profectò si fidem non habebis, ego cur te Christianum putem, non video.

Sed adhuc quæris; Quæ sit Iesuitarum prudentia. Id equidem rectius ab Euangelicorum ministris, vel à Mexicanis & lapponensibus Bonziis, vel à Turcicis vel Scyticis Caddis & Muleammanis quæsiuisses. Dixissent illi tibi, quod consilij genus adhibeant; quaue prudentia & solertia vtantur Iesuitæ, cùm in mediis Euangelicorum & Paganorum urbibus, cùm in oculis & auribus infestissimorum Principum, Christi Dei nomen intrepidè prædicant: Christi crucifixi signa statuunt: cùm quos illi Deos collunt, esse Demonia ostendunt: cùm Idola, cùm aras impias, euertunt: cùm templa Deo viuenti erigunt: cùm Reges sacro Baptismate tingunt: cum Bonzios idolorum ministros sub suave Christi iugū subiiciunt. Sed ad nostra veniamus. Quære ex tuis Superintendentibus, & scho-

Iarchis, vtrum lynceos oculos, aut emunctas nar̄es ha-
beant Iesuitæ; cùm artes eorum omnes, dolos, fraudes,
technas, laqueos, & quas animis hominum fodiūt foueas
depræhendunt. Qua putas solertia opus habebant, cùm
Augustæ Vindelicorum (quam quidam vestrum nouam
vocare Bethlehem propterea non dubitat, quòd in ea na-
tum & approbatum sit quintum hoc Euangelium, quod
Augustanam Confessionem vocatis) sedem figerēt. cùm
illam ipsam Augustanam perfidiam pro concione damna-
rent, collegia erigerent, adolescentes instituerent, vestris
Magistris & Ministris intrepidè vbiq; occurrerent: cùm
animo vinci nescio, ad certissimam mortem in intimam
Angliam penetrarent: cùm inuita mente ante Præsides
& tyrannos starent. & Christum Dei viuentis, & sponsam
eius Romanam Ecclesiam, Romaniq; Pontificem Chri-
sti vicarium, ad ipsos laqueos & eculeos semiuiui & se-
miusti confiterentur. Qua prudentia sedem Ratisbonæ
fixerunt, Halberstadium, Erfortum, Magdeburgam; in
ipsam etiam pene deploratam Scotiam, & alia permulta
hæresi inquinata loca, mucronibus infesta, & non nisi
mortis contemptoribus peruvia penetrarent, & Euange-
licos omnes Christi inimicos, & Ecclesiæ Dei perduelles
& libenter & liberè pronunciarent. Cùm deniq; in Ægy-
pto, in monte Sina, in ipsa vrbe Constantinopolitana,
Dei summi voluntatem, omnibus inuitis Saracenis &
Mamalucis annunciant & annunciant. Res tantæ Iesu-
masti, non casu & fortuna, sed mente firma, consilio
solido, diuina prudentia gubernantur. non prudentia
carnis, quam tu solam sapere forte putas; sed prudentia,
quam timor Domini inchoat, amor perficit.

Ais deinde: *Non tam bene refert simia simiam, nec ouum ouo,*
nec lac lacti tam simile est; quam Monachus Iesuita; & Iesuita Monacho.
Profectò, si fatuo delectari vellem, non esset mihi lon-
gius abeundum. Te riderem. Sed miratur alicubi Plato,
qui fieri poscit; vt aliquis in his superbè sapiat & glories
tur, in

etur, in quibus nondum quicquam sapit. Tu quid sit Monachus nondum sapis; & tamen de Monachi nomine tibi delicias facis. Vide ne tua infantia, non scriptorum calamis, sed pedissequorum sibilis explodatur. Nam si quicquam vnuquam, vel de Antonio, vel de Paulo, vel de Basilio, Augustino, Bernardo, & aliis sanctissimis Monachis auditione accepisses: si Chrysostomum de laudibus vita monasticæ, si eam Homiliam, quam de Regis, & Monachi comparatione conscripsit, & Cromerus noster è Græca Latinam fecit, saltem inspexisses; si scriptores in numeros, & Doctores Monachos dilaudantes cognouisses; in Monachi nomine ita, ut facis, non luderes. Si tua inquam mater esset Ecclesia Romana, quod tibi verbum paulò ante, nescio quo modo excidit; si tu eius es, ut videri vis filius, Monachorum appellationem probri loco non duceres. At tu præ stupore non consideras; quod cum Iesuitas Monachis facis similes; Paulo, Antonio, Augustino, Basilio, nolens volens similes facis. Vide quam sit potens veritas, & da honorem Deo. Etiam per hostium veritatis, iugula cum ille vult erumpit, nec magis quam timet, quam taceri, oditq; mores. Sed ego

Non dicta tanti ponderis tua estimo.

Mortalis, ut perennia Deorum qucas

Temerare iura, insculpta mentibus hominum.

Non hec heri aut sunt nuper admodum edita.

Vixere semper quoq; tempore coeperint,

Scit nemo

Quoniam autem conuitiorum tuorum semper incipit ex fine principium: manum tibi porriga, ut ex isto quoq; cenno pedem extrahas. Dicam ego tibi, quid sit magis etiam inter se, quam ouum ouo, & lac lacti simile. Tu & tui Euangelici. Paganis & Machometanis longè estis similiores, quam Monachus Iesuitæ, & Iesuita Monacho. In hoc enim Iesuita Monacho similis est, quia Castitatem vovit, Paupertatem suscepit, Obedientiam promisit; at

in habitu cultuq; corporis differunt. Cæterum Euange-
licus omnis, siue sit Luterista, Caluinista, Trideista, Ana-
baptista, siue cuiuscunq; tandem sectæ discipulus, nulla
prorsus in re, à Pagano & Machometano dissentit. Blas-
phemat Paganus Christum Dei viuentis, blasphemat &
Trideista: Ridet ille Baptismum; ridet & Anabaptista:
Fabulam reputat Eucharistiam; reputat & Caluinista:
Imagines ille reprobat; reprobat & comminuit Luteri-
sta. Sanctorum inuocationem ridet Paganus; ridet &
Euangelicus. Machometus sacras Imagines deleuit, &
Mechensiū quoq; ciuium suorum idola Aleth & Tagor
commuinuit; & Euangelici Christi crucifixi, omniumq;
Diuorum imagines aboleuerunt. Machometus nullum
ferre iudicem voluit suæ doctrinæ; prohibet etiam ne sui
discipuli, Iudeos aut Christianos iudicare de fide pati-
antur; idem faciunt Euangelici. Machometus diem Ve-
neris ut diem Dominicum haberi voluit; ita Euangelici.
& inter eos Lutherus, diem Dominicum Paschæ, in ali-
um diem voluit immutari, & Carolstadius nullum alium
diem præter Sabbatum esse in honore voluit. Machome-
tani non circuncidunt, nisi septem aut octo annorum pu-
eros; Euangelici etiam adultiores vix baptisant. Maho-
metus Polygamiam docuit; Euangelici, Anabaptistæ li-
beraliter exequuntur. Hecerus enim tredecim vxores ha-
buit: & Regiomontanus quidam ē Carnifice minister, se-
ptem viuas in diuersis locis vxores aluit. Machometus ut
suis piam in speciem vitam commendaret, negabat aliena
cuiquam prodesse opera; Lutherus & cum eo totus Euā-
gelicorum cœtus, non modo Sanctorum negat opera a-
liis vtilia; sed nostra propria omnia facit peccata. Macho-
metus sacrorum & religionis suæ, quasi quosdam Anti-
sites assignauit, Muphtios, Caddeos & Talimeanos;
Euāgelici sacrorum curam & ministeria omnibus in uni-
uersum communia esse volunt. nec, vel vilissimos cerdo-
nes, pelliarios, vespillones, lenones, inò nec ipsas foemini-
nas ab

nas ab ea repellant. Machometani Christianos faciunt
impios; quod Christum Deum suum ederent: Euange-
lici nos appellant θεον τον, sive Deicidas; quod Dei filium
deuoramus. Summa est. nec ouum ouo, nec lac lacti, ita
simile est, ut Euangelicus Machometano: & Machometa-
nus Euangelico.

Quod ais: *vultum eos ad decipiendos homines habere accommo-
datū, et in latebris Iesuiticis compositum; oculos et totius corporis habitū,
atque ipsam rationem ad simulandum et dissimulandum accommodatam.*

Deus bone, quām ineptus es, quām tui ipsius amans,
sine riuali. De saxo scilicet, in cruce m. Pudoris exitium:
Iam mare haud est mare. Tu mare mendaciorum acerri-
mum. Omnibus, ut video, sanctitatibus bellum indixi-
sti. quando Modestiam, Temperantiam, Grauitatem, os
non garrulū, oculos non vagos, incessum minimè præci-
pitum, & orationem maturā, conuitio & repræhensione
dignam putas. An eos esse tuis ministris Euangelicis si-
miles malles; qui non solum esse, sed etiam videri volunt
impudentissimi, sicut à Smidelino factum in comitiis
Vormatiensibus legimus; ubi Lutheri verbum è loco su-
periore, cum fago & manica picturata, & venatorio cul-
tro ad latus prædicabat. Sed domum te reducam. Vilnæ
habebatur Zuingliana Synodus ante triennium. Ibi ve-
nus ex Synodi ministris, in platea quadam ultra pontem
Bernardinorum, à lictoribus castrenibus in adulterio
captus, & in alieno habitu in arcem perductus est. Vis
aliquid lepidum de fratribus vestris Anglicis Euangeli-
cis audire. Tam sunt proiecti pudoris; tam sunt amici
Castitatis & continentiae; ut eos non pudeat mulieres
pro concione ad libidine deligere. Cathedras enim
ascendunt, modo non meretricia ueste induti, lotiq; un-
guentis, comptiq; crines. & ut forma placeret; oculos
illiti. nec solum ornatu, & subcrispo capillo; sed impu-
dentia quoq; mulieres imitantes, libidineq; calescentes;
vagis oculis circumspiciunt; vasaq; sibi necessitatis
enim

enim appellant) in ipsis templis assignant. Sed nec per
urbium vicos & plateas vñquam transeunt; quin illis v-
biq; delecta sit ad libidinem mulier. Accipe exemplum, &
iniurato crede. Lecta est ante paucos annos in tribunali
Londinensi schedula per quendam ministrum, iudici Re-
gio; sed per errorem porrecta, (aliam enim ad causam per-
tinentem offerre decreuerat, quam in eodem sinu gesta-
bat) in ea cuidam mulieri narrabat, quam ardenter in il-
lam, dum concionaretur exarserit; quam libenter oculos
ad eius formam adiecerit. & id genus amores suos præ-
dicabat, atq; ad libidinem sollicitabat. Huius autem la-
sciuiæ vehementer puduit Regiæ potentiaæ administros,
nisi quod ita iam peruulgata est ministrorum impuden-
tia; vt nullus esse locus animaduersionis videatur. Qui
fit ergo, mi Actor, vt quam tui similes Euangelici in suis
ministris modestiam & grauitatem requirunt, tu eam in
Catholicis Sacerdotibus reprehendas! Si argumento
est Iesuitas ob vultus, & vestis modestiam Sycophantas
esse; tu, & Ministri vestri, qui sub crispo capillo, pictura-
ta manica, gladio ad latus, vultu, vesteq; vtimini penè mu-
liebri, prostituti pudoris homines censemini necesse est.

Quod eos in Dei sanctorumq; cultu imitari dicas superbas, stultas,
atq; impudicas mulieres, quæ splendidius restiri volunt quam honestæ ma-
tronæ. & ea ratione oculis spectatorum in se conuertere, ac eorum cupidio-
tates inflammare. Mome maledicentissime, putas te crepi-
dam Veneris Praxitelianæ damnare? Si Deum amares, si
maiestatem diuini numinis & quotidiana in genus huma-
num beneficia cum animo tuo reputares; nullus vñquā
tibi cultus, nullus ornatus, nullus splendor ad honorem
Dei collatus, satis esse magnus videretur. Sed tua super-
bia ascendit semper. In cœlum enim os tuum ponis: De-
um Patrum nostrorum per latus Iesuitarū reprehendis,
qui tabernaculum byssinum, vesteis purpureas, templum
cedrinum, vasa aurea, quadrangulum præcioso lapide
distinctum; Sardio, Topazio, Smaragdo, Carbunculo
parari ad

parari ad honorem suum præcepit. Dauidis quoq; au-
toritatem eleuas, qui sibi laudi gloriæq; duxit, quod de-
corem domus Dei dilexerit. & Paulo notam iniustani in-
uris, qui omnia in Ecclesia Dei fieri vult ordinatè.

Quod Iesuitas Gabaonitas vocas. Infatiabilis est maledicen-
di cupiditas. Sed hic quoq; crede mihi, causæ tuæ san-
guinem mittam. Nimis infans es in rebus Euangelicorū
tuorum. Dicam ego tibi ex illorum sententia, qui sunt
veri Gabaonitæ; Luterani & Caluiniani. Cum enim Tri-
deistæ surrexisserint, (quorū in patria nostra Prothomagi-
ster Gregorius, Paulus Brzezinensis Valentini Gentilis
discipulus extitit) accusareq; Luteranos simul & Calui-
nianos cœpissent, quòd quendam Deum Trinitatem co-
llerent; quòd ὅμοιοι adorarent, quòd personas in Deo,
naturas, Substantias, Hypostases, processiones & emanationes
præter scripturam & contra scripturam fingerent.
Illi verò ipsa nomina his ipsis verbis scripta, ostendere ac-
cisoribus suis in scripturis Canonicis non possent; ad
Patres, Concilia, antiquitatem, vniuersitatem, receptum
in omni Ecclesia sensum & consensum recurrebant, & il-
lorum autoritate fidem Trinitatis defendebant. At Tri-
deistæ; Vetusstι sunt (dicebant) isti panni, quos vos primi
lacerastis in aliis articulis fidei. Gabaonitarū sunt isti exo-
leti sacci, vt resq; obsoleti, & lacerata iamdudū calciamēta.

Quod Germaniæ incendum: Antuerpiæ direptionem: Angliae Regi-
nām reneno & insidiis petitam: Scotiæ Reginam indignissimo mortis ge-
nere sublatam Iesuitis tribus: quasi omnibus in locis motus excitauerint,
clasticumq; cecinerint. Tua sunt hæc,, mi adolescens, non ve-
ritatis verba. Sed soluam & hoc. Graue est debere cui no-
llis. Accipe; Germaniam Lutherus & Pacimōtanus per-
turbauit: Galliam Caluinus & Beza, Flandriam Span-
genbergius, Angliam Martyr & Bucerus, Scotiam Bu-
chananus, Transyluaniam Blandrata, Polonię Stan-
carus & Sarnicius. Si isti Iesuitæ fuerunt & non Iesuita-
rum hostes, & persecutores teterrimi; hoc primum erit in

omni tua actione verum verbum, quod dixisti. Ferendo,
non inferendo iniurias ista Regna peruerterunt Iesuitæ.
nec solum eam vim timuerunt nunquam, quæ ad corpus
vitamq; peruenit; sed nec eam quæ periculo mortis in-
iecto, animum formidine perterritum loco sæpè, & certo
de statu dimouet. Non eos, crede mihi, rotæ vestræ, non
radij, non vngulæ, non rotabula, non lebetes, non Ca-
tastæ, non Catapultæ, non frixoria, non digitoria, non
pugillaria, non manus ferreæ, non subulæ, non succen-
soria, non ollæ æneæ, non sartago, non cruces, non scor-
piones, non gladij, non equulei, non mille crudelitatis &
acerbitatis genera (nil enim in vestra persecutione defuit,
quod vel auribus, vel oculis posset terrorem incutere, que
in theatro crudelitatum vestrarum, Liber Antuerpiensis
ostendit) retardare potuerunt, quo minùs in obserua-
tione fixi consilij perdurarent, Deicq; vobis annunciarent
voluntatem. Et tamen vobis vim fieri vociferamini, cùm
vbiq; ita eos enecatis, non odij solùm, sed etiam ludibrij
causa. vt & spatium crucibus deesse, & corporibus cru-
ces videantur. Crocodili sunt istæ lachrymæ. Tollat te,
qui non nouit.

Progrederis longius. & sapientissimum ac fortissimum Regem stet
phanum ijsdem Gabaonitarum (Iesuitas intelligit) procellis & fluctibus ita
abreptum vociferaris, vt nisi postea consiliū & moderationem adhibuisset,
cum Riga nobis & Rege Suetæ, aut certè Danie bellum suisset suscepsum.

Aiacem te mente motum dixeram, futurum putans vt
odium tuum in vniuersam Christi Ecclesiam solis Iesuit-
is flagellandis exsaturares; nunc te vocare ad pileum
video etiam Reges. Fortè, sicut Ajax inter Græcos arie-
tem vt Vlyssem; sic tu inter orthodoxos, Regem tibi Ste-
phanum, vt magni Gregis Duce, calumniis & contumeliis vexandum suscepisti. Quo nomine vereor quia te
non amauerit, ne lutulentum suem. qui etiam oderit, ne
Cerberum tricipitem putet. Durum quod dolet vt non
dolet, ita tibi libet, cum omni mortalium genere volu-
tari, ita

tari: ita volupe est ad omnia adlatrare. quamuis non est
hielatratius; sed morsus. Non queo diutius linguae tuae
procacitatem tolerare. Ipse quoque

*Iupiter, linguae petulantis odit
Glorias.*

Quamobrem ut Homerus loquitur;

*Ζοὶ δέ γώ ἀγλίοις εἴμι ναι ἐι πυρὶ χειρας ἔοικεν :
ἐι πυρὶ Χεῖρας ἔοικε, μένος δέ ἀθεναί σιδηρόω.
τίβι ἐγοντοριανος τάσσονται καὶ οὐδενὶ σύντοπον.
si igni manus similes essent :
si igni manus similes essent, robur autem ardenti ferro.*

Tu furiis abreptus: tu fluctibus obrutus: Tu procellis
implicatus: Tu Megæræ facibus accensus; Tu Cacodæ-
monis audacia armatus, audes notam incogitantis mi-
nimeq; meditati consilii ei Regi affingere, cui orbis vni-
uersus isto nostro seculo primas sapientiae & fortitudinis
partes tribuit: Audi Socoloum eius Academiæ, pro
qua te pugnare simulas, olim alumnum & professorem;
nunc vniuersæ patriæ præcipuum ornamentum, de Rege
Stephano quasi omnium ore loquentem. Fuit ille in Ec-
clesia Dei plusquam sacerdos: in Repub. plusquam Rex:
in exercitu plusquam Imperator: in acie plusquam miles,
in iudicio plusquam Iurisconsultus: in dicendis senten-
tiis, plusquam Senator: in aduersis ferendis, plusquam
vir: in publica tuenda libertate plusquam ciuis: in ami-
citiis colendis plusquam amicus: in conuictu, plusquam
familiaris: in venatione plusquam Leo. Si sacerdotem
procellis abreptum, si Regem fluctibus oppressum, si
Imperatorem timidum; si Senatorem, consilij inopem;
si virum, viribus carentem, Regem Stephanum putas;
non contendam cum tua pertinacia. Facilius enim te,
quisquis sapit à dæmone obsessum iudicabit, quā Regem
Stephanum, manu & consilio forte negabit. Utinam au-
tem in animos minus obstinatos optimi Regis conatus
incidissent. Rebellionis periculum denuncias, si sedem
Iesuitæ Rigæ fixissent. Sed quid quæso te? Iesuitæ Ge-

dani fuerunt, cùm Euangelici arma parricidialia in illum
ipsum Regem & dominum suum cœperunt? Quis ad eos
Iesuita, quis Monachus facem in ciuitatem intulit? Quis
Episcopus ad rebellionem armauit? Id quidem tu non
solum de Sacerdote, sed ne de vlo Catholico homine
affirmare poteris, etiamsi sis impudentissimus. Euange-
lici fuerunt & qui suaferunt, & qui bellum suscepereunt.
Nec enim fieri potest, Vr DEO REBELLES, REGI
SINT FIDELES. Aiunt Hosium Cardinalem sàpè dice-
re solitum: Qui non est Papista; non est Regista. De hæ-
reticis dixit olim Martianus, nò de Catholicis, quòd ma-
lè parent Regibus suis. Catholici Petro præceptore, &
bonis obedire consueuerunt & discolis. illorum bonita-
te ad consolationem vtuntur; istorū perueritate ad pro-
bationem. pro vtrisq; Deum deprecantur. Quis Iesuita
Albertum in Prussia Principem in Regem Sigismundum
primumarmauit? Quis Archiepiscopum Rigensem in Si-
gismundum secundum incendit? Nonne Euangelici Ma-
gistri & ministri? Quis turbas Derpati suscitauit? Quis
Moscos ad illius obsidionem, atq; ad totius Liuoniae va-
stationem è propriis sedibus exciuit? Nonne Wittem-
bergensis ille pellio scelerati Magistri Lutheri pessimus
discipulus. Non Iesuitarum illa sunt; sed Euangelicorum
Epiphonemata: Euangelium sitit sanguinem. Et illud;
Venit tempus, cùm sacrificium Deo placatum fiet ex ca-
pitibus Monachorum bibere. Addam aliquid de Scotia.
Ministri fuerunt Hæretici, non Iesuitæ Catholici, qui Re-
gem & Reginam domi consilio, foris; omnibus castris &
armis oppugnarunt, qui publicè decretis eorum in foro
Edenburgensi restiterunt. Vis nomina ædam? Robertus
Pontus, & Gualterus Bacanquelus à Iacobo Lausonio ir-
ritati. Ministri fuerunt in Flandria toti terrarum orbi
conspiciendi, qui legitimæ potestati resistendum docue-
runt. Ministri in Gallia, qui in cœdem Regis & Reginæ
ficciorum manus armauerunt & audaciam aluerunt.

Scis quid

Scis quid factum de Riga , deq; Dantisco fuisset, si quid ibi Iesuitæ potuissent. Non ex triente aut quincunce, sed Regio suo iure Rex in eos vteretur. Non ex semisse vel do- drante, sed ex asse ciuitates illas possideremus.

Quod tumultus Vilnenses, perturbationumq; procellas, & ciuium atq; nobilium concursum ad præliū cōmittendum, à Iesuitas suscitatas memoras.

Hoc nemo alias Deum timens dixit vñquam, præter te. Sed video quid velles. Euāgelicis in Catholicos grasa ndi sāuiendiq; liberam potestatem; Catholicis ne propri quidem tuendi capitisi facultatem relictam, velles.

Ais deinde : conspiratione facta, cuius Iesuitæ autores atq; duces extiterunt, magna ri atq; impetu in eam domum irruunt (catholici) que rna in tota rrbe monumentum antiquitatis extat Luteranis concessa, Rege atq; omnibus Senatoribus approbantibus.

Ἄλεισθη μὴ τεῦδε, ἐπιστάμεος σάφα έπειν.

Atride (Homericum est) ne mentiaris cum posbis vera dicere.

O in dolore impurissimam, (Modestè, non vt meritus es ago tecum adolescens. Nam si tibi tuiq; similibus Euā gelicis irascendum esset, non irascendum, sed insanendum esset) vt animū fartum calumniis exonerare cupis ; vt mentem mendacijs prægnantem excutere ? Evidem ita promptus & acutus es, ad omnes calumnias omnibus vestigiis persequendas, vt abs te nil aliud expectemus, quām vt affirmes Iesuitas in paradiſo serpenti persuasisse, vt Euam seducerent : aut Pilato authores extitisse, Christum vt in Crucem ageret. Qnæ est per Deum hæc tanta calumniandi libido ? Quæ lacerandæ famæ cupiditas ? quod intorquendarum calumniarum desiderium ? Iam vereor, ne & Græcis adfuisse dicas Iesuitas, cùm Helenam raperent. Nimium sapis Monocule. Nimium sapere, nimium malum est. Si bonus patriæ tuæ ciuis es; pacis amans & quietis Reipub. vulnera non refricares. Optima enim ciuilis belli defensio ; obliuio est. Nemo catus furorem illum populi, nemo vim illatam, nemo flamas immisias probauit : legum & Regum vinculis ac legitimi

Magistratus autoritate cohiberi illa vestra audacia de-
buit, qua vobis fas iusq; esse voluistis, ipsius Regni statu-
tis prohibita conuenticula agere. Templum contra tem-
plum, altare contra altare, cathedram falsitatis contra
Cathedram veritatis erigere. quam pœnam, vobis noua-
toribus Regni statuta irrogant, iam diximus. Extat illa
sancta Confœderatio Corczinensis, in qua se Rex &
Senatus & vniuersa Nobilitas obstringit, contra tales,
sive tales insurgere ad eorum destructionem, qui errores
hæreticales in Regno fouere aut manu tenere cuperent.
Sed hoc iam ante dictum est. Si Rex, si Senatus, si Equi-
tes ad istorum destructionem insurrexisserent; plebs non
insurrexisset. Sed Sacerdotum est Dei aperire mysteria.
Voluit hic quoq; Dominus infirma mundi eligere, vt
confundat fortia. Voluit ex ore infantium & lactentium
laudem suam perficere. qui si & ipsi tacuissent, lapides
locuti fuissent, aut suo se quisq; loco & ordine mouisset.
Sic Dauidi à cæde Goliatii reuertenti, non equitum tur-
mæ; sed muliercularum agmina occurrerunt gratulan-
tium & acclamantium; Saul occidit mille & Dauid dece-
millia. Sic Hierosolymam ingredienti Christo, non Prin-
cipes Sacerdotum, non Scribæ & Pharisei; sed pueri
Hebræorum occinebant in via; Osanna filio Dauid. Be-
neditus qui venit in nomine Domini. Sed non est huius
tempus sermonis, nec tu diuina potes per ætatis tyro-
cinium, mente & animo percipere mysteria. Non proi-
ciam Margaritas ante porcos. Tua hæc esse aio, non ve-
ritatis verba, istiusmodi fulmina à Iesuitico esse nomine
profecta. Sed in eo quoq; vehementer erras, quod nulla
vnquam ante aduentum Iesuitarum talia pericula, ciui-
bus nostris acciderint. Infantem te dixi; nunc in patria
hospitem, & peregrinum affirmo. Nam si ætates & tem-
pora diligenti studio persecutus fuisses, quod dicis non
dices. Vbi gentium fuerunt Iesuitæ, cum Academiæ
Craçouienlis itiosi, in Luteranorum cuneos, in Ducaliæ
domo,

domo, ut vocant, Deum blasphemantes irruerant: cum extinti Hæretici cadauer ad sepulturam deportati excusserant: cum Arrianorum Synagogam vexauerant, libros impios diripuerant: cum Euangelicorum cadauera exhumata escam volatilibus cœli obiecerunt. Hic profectò effugium inuenies nullum, quām ut ipsos Academie Cracouiensis Professores flabella seditionum appelles, & earum quas ego commemoro, tu ignorabas turbarum & seditionum incentores. Sed ego te docebo adolescens: Neminem esse tibi putes amicum cui tu non es. Vos autem Euangelici cum sitis omnibus erroribus amici, non potestis non esse nisi solis non errantibus inimici. Miror profectò, ne etiam vngues à natura Leoni datos gaudetis, ut offendant: manus homini attributas doleatis; ut defendant. Sed nouum non est Euangelicis, rerum & naturarum ordinem peruertere.

Arma ad extremū irritas, classicumq; canis, cùm ais; Erant quoq; maiores nostri catholici, & tamen arma contra illos Iesuitas cruciferos sumpserant, & eos omni ratione persequendos existimabant, summo Pontifice repugnante, & eius Legatis resistentibus.

Iam te, video Veritas. iam, vox & ratio, & ipsa deficit oratio. Arma expedis, quando desunt argumenta. Pacem suades, bellum moliris. Altera manu panem; altera tenes lapidem. Id scilicet solenne est Euangelicis Hippocentauris, cùm ratione destituuntur, acre ferrum stringere. vel potius omissa ratione, manum armis admouere. At tu μυρμηκίας δε οὐ περῶς λεῶν βέρυχωρ. Formica sanè es, rugias licet ut leo. Narro tibi non fore vobis difficile non repugnantes vincere: Arma Iesuitarum spiritualia sunt, non carnalia. Hoc tamen moneo. Facilius fore Iesuitas perdere quām vincere. Sed quam tantam acerbitas causam præbuerunt? Quia, inquis, maiores nostri arma in cruciferos sumpserant, & exiguum sit discrimen inter cruciferos & Iesuitas: inter crucem & Iesum. crux enim & Iesus, eandem propemodum rim habent pietatis & modestie religionis.

Sanus

Sanusne es? Vigilansne? Mimi ne, an Oratoris personam sustines? Ludibundus ut video de sanguine ciuiū decernis, plane Syllano more. vel sicut olim Herodias in coniuicio petens caput Ioannis Baptistæ. Arma in Cruciferos maiores nostri sumperunt: Quia scilicet Cruciferi maiores nostros armis appetiuerunt: castris oppugnarunt, vrbes exciderunt, agros depopulati sunt, nec ipsos vñquam Reges nostros, pace & ocio frui permisérunt. Id si faciunt Iesuitæ, ad bellum me societatem, pro patriæ salute adiungam: signa si voles præferam, calonis etiam munere & officio defungi non dubitabo; dum à ciuium ceruicibus extrema pericula depellantur.

De Hispanica Monarchia, de Religionis custodia, de Regis Catholici crudelitate (sic enim tibi libet blaterare) de misera hominum illorum condizione quæ sis. Tu, ut video, scapularū agis confidentia. Moneno te ut caueas, ne Cantaber aliquis audiat, & perticam quærat. Postq; tuę scapulę virgarum vim virtutemq; contempserunt, libenter illi relinquam refutandi, stringendiq; tui negotium. Iniquum puto aliis vacare bellis, cùm patria vastatur. Te verò valde miserum statuo, cùm re, tum hoc ipso; quod non sentis quām miser sis. Si Catholicus es; & Regis Catholici zelum probares, & Inquisitionis necessitatem intelligeres, & subditorum obedientiam, fœlicitatem potius, quām miseram vitæ conditionem vocares. Felix enim (ait Augustinus) necessitas est, quæ compellit ad meliora. Sed te ira longè abripit furoris tui & iracundiae impetus, ut cùm verum glorię iter non teneas; Catholicorum Regum & Principum dignitatem & maiestatem, probris & conuictiis vexare gloriosum putes. At nihil profecto aliud assequeris; quām ut qui hæc tua legerint, audiuerint, cognouerint; hominem te existiment improbum, conuictatorem, maledicum, & vt impurum detractorem detestentur. non virtute & rebus gestis; sed sola lingua petulantia, mentiendi libidine, & dicacitate scurra digna, laudem & nomen quærantem.

Sed si

Sed si Hispanos improbas, quod Christo & Regi fidem
seruent, quod obsequentes & morigeri viuant; Gallos
certe & Flandros probabis, bella ex bellis serentes, qui-
bus semper cōtentio grata τωλεμοίτε μάχαιτε, bellaq; pu-
gnæq; vt ait Homerus. Sed à minis accedit ad verbera,
machinasq; muris admoues: & velut ad festorum quan-
dam solennitatem; sic accedit ad prælia. Evidem lu-
dere te paulò ante dixeram; nunc video decretum est,
omnia adjicere vasitati.

Ais enim: *v*ideo ros tantis sumptibus, tam firmā palatia, præsidia
& propugnacula erigere; que vos Monasteria appellatis, quæ si rere vt
sunt nominari debeant; Domicilia scelerum omnium atq; receptacula ap-
pellari possint. Tu tuam affirmationem pro fide veritatis ha-
beri vis; ego impotentis animi argumenta, imò cubilia
immortalis odij statuo. Domakus es (vt patriæ nostræ
verbum habet) procacissime Adolescens. Latinam enim
& vrbana appellacionem; barbara tua & inurbana, in-
solens & inhumana actio non meretur.

Posnanensem tu domum, arcem munitissimam pu-
tas. Iaroslauense & Lublinense ædificium eiusmodi mu-
nitonem, tantorumq; præsidiorum arces appellas, vt
non scholasticos docere: aut mulierularum peccata co-
gnoscere, sed bellum gerere velle videatur. Tu quidem
certamen suscepisse videris, vt in singulis periodis impu-
dentissimo impudentior videaris. atq; ita nequitiam vt
virtutem ostendere contendis. Quid dices? quæ ver-
borum fulmina nō mitteres? si Olomucense Collegium,
si Augustanum, si Romanum, si Hispanica, si Lusitanica
Collegia, si Goanias & Mexicanas domos inspexisses.
Non illi præsidia, non propugnacula erigunt recipiendis
hostibus idonea; (proditio enim & dubia fides quorum
esse propria consuevit, iam ostensum est) sed domicilia
parant ad eas quas profitentur litteras accommodata, &
iis quos erudiendos suscipiunt, nobilissimis adolescen-
tibus consentanea. ad temporis diuturnitatemi firma, &

stabilitia, & ad ignis & incendijs pericula fugienda, lateritia.
Non enim in illis heri, quod aiunt, & nudiустertius natas fides docent, aut eas quæ cum suis autoribus interi-
tum subeunt; (vt subiit Luterana, Muntzerana, Pacimontana, & id genus perfidia) sed quæ ea promissione nitun-
tur, quam Petro Christus fecisse legitur, cùm dixit; Ego
rogabo Patrem, vt non deficiat fides tua. Æternæ fidei
æterna sunt, aut saltem diuturna domicilia statuenda.
qualia statuerunt maiores nostri, optimi & sapientissimi
viri, quoties Templa, Collegia, Monasteria, Cœnobia,
Xenodochia, & id genus pietatis & necessitatis domici-
lia à fundamentis erexerunt. quibus tu profectò, non bo-
nam gratiam habes; si piam eorum æmulationem repræ-
hendis, qui maiorum zelum & exemplum imitantur. Te
moneo ut memineris, quam sis insolentis dicti tui ratio-
nem allaturus, cùm te Nobilissimi Equites Lublinensis
Collegij autores; Macieiouij, Zebrzidouij, Tencziniij, a-
pud fustitudinas, & ferricrepidinas insulas ad virgas &
laqueos postulabunt, aut adassint ad suspendium.

Quod rero illa ipsa quæ ædificant collegia, & Monasteria (tu Palatia
& propugnacula vocas) domicilia scelerum omnium atq; flagitiorum re-
ceptacula appellas.

Quid iam faciam tibi; vel quid non
Faciam! (ait noster Poeta Leopolieñ Simonides)

Ægrotum potius quam ægrotos
Curem: simplicior enim hæc labes.
Doleas si ægrotes; si ægrotu adfis.
Et menti dolor & manibus labor.

Collegia Iesuitarum scelerum sunt domicilia & Colle-
gia Iesuitarum sunt flagitiorum receptacula. Cinæ de ca-
lamistrate: Frons meretricis facta est tibi. (Malo crudelis
in anima duertendo; quam in prætermittendo dissolutus
videri) ne in tam quidem aperta & manifesta calumnia
potuisti erubescere? Merito te viperarum progeniem ap-
pellabo, ingratam in parentes, & benefacta malefactis
repender-

dependentem. Os impundens, non es mentitus hominibus; sed Deo, qui in his domibus & collegiis piè colitur. Possunt ne esse Domicilia scelerum, vbi quotidianis pre-cibus numen diuinum placatur, vbi lachrymæ funduntur, vbi ieiunia exercentur, vbi cilicia, vbi flagella, vbi humi cubationes, vbi meditationes, vbi lectiones, vbi conciones, vbi confessiones, vbi sacræ Eucharistie quotidianæ fiunt distributiones & Possunt ne esse flagitiorum receptacula, vbi in horas prope singulas fiunt conscientiarum examina, vbi silentij custodia, vbi temporis parsimonia, vbi verbum ociosum exulat; sed omnia pietas, humilitas, & mansuetudo, ac super omnia timor Domini occupat. Si cupiditatum carnificinam, si flagitiorum pestem, si frenum furoris, si iuuentutis cippos, si mortem cupiditatum & lasciuiarum omnium, Iesuitarum domos dixisses; parum dixisses. Si itaq; calumniarum artifex, si mendaciorum architectus, si conuictorum faber, si totius pietatis & modestiæ hostis teterrimus vocari nō vis; æde scelerum & flagitiorum exempla, profer autorum nomina, nota loca, signa tempora. Id quidem sat scio tu præstare nunquam poteris, vnde consequens est, vt omnium ab omnibus mendaciorum & calumniarum pater, mater, frater, faber, sator, artifex & opifex habearis. Evidem dubito ne tu fueris illius fabulae Protomagister, quæ Poniam vniuersam & ipsam etiam Germaniam peruagata est; Capros fuisse Cracoviæ Iesuitas in crimen pessimo, & in medio foro igne emendatos, optimi & sapientissimi Regis Stephani imperio. At fabula ciro in spongiam incubuit, & conficta criminatio apparuit. Extant ea de re impressæ Archiepiscopi Moguntini ad Stephanum Regem litteræ, & eius responsum.

Quod ais; resuitas Hispano Regi diuinos cultus tribuere, præsertim si eo accedat Papæ autoritas. Falsum est. neq; tu id à quoquam vñquam vsquam factum neq; pictum, neq; scriptum ostēdes. Sciunt Iesuitæ & in omnibus scholis suis docent,

esse quendam Deo soli debitum cultum, quem Iatram
Græci vocant, & alium qui mortalibus quoq; sine diuini
numinis offensione tribuitur, quem θουλεῖαρ appellat. Hu-
ius generis cultum Regi suo tanquam præcellenti tribu-
unt, vt illud quod Apostolus præcipit impleant. Deum
timete, Regem honorificate. & cui honorem; honorem,
cui tributum, tributum. Sed Ecclesiæ mysteria, facta q;
Dei narrare auribus indignis horresco. At quām ti-
bi volupe est; Principibus Christianis allatrare; omnes
ex omni parte carpere, mordere, suggillare, quod furen-
tis & rabiosi Cerberi esse proprium diximus. Papæ ne su-
am autoritatem adhibebit; vt diuini cultus Hispaniarum
Regi tribuantur. At ille ne sibi quidem istiusmodi hono-
res debitos putat; sed Deo soli tribuendos iudicat. Au-
gustinus certè proprium ac soli Deo debitum cultum vo-
cat **SACRIFICIVM** adçò vt qui vnquam Principes sibi
sacrificare iusserunt, per hoc se Deos haberi voluerunt.
Si ostenderis itaq; quis vnquam non dico Iesuitarum,
sed qui vnquam fuerunt mortalium, qui vel Papæ vel
Regi Hispano sacrificauit; te à veritate contra falsitatem
stare pronunciabo. Quòd multa in hoc genere præteris,
bene facis. Te labore; me molestia leuas. Non ita, crede
michi, scribis; vt timeamus ne desinas. Nil enim aliud a-
gis, quām loquens laceras diem.

*Admones deinde senatores, vt meminercint. Hispaniarum Regem non
longo à nobis interuallo esse remotum. Antuerpiam à Dantisco sex dierum
itunere abesse, fucus ex hostico recentes importari, & Hispanica poma ma-
ioribus nostris incognita, ceteraque Hispanicas et Italicas delicias in prom-
ptu haberi. Certè tu non existimasti probare te posse, tui
similibus quòd essem hostis Ecclesiæ Catholicæ, nisi Regi
quoq; Catholicos essem inimicus. Rectè dixit quidam; Eu-
angelicorum sectam non odisem, nisi tam turpes animos
in quibus habitaret, eligeret.*

Amator patriæ, viuidex libertatis, custos legum, spes
vnica Reipub: quām tibi volupe est, non solum Iesuitas,
sed omnes

sed omnes etiam Reges & Leges, omnia in vniuersum Re-
gna & Prouincias, dente canino lacerare? Tu quidem
videri vis, quasi saluam Rempub. cupias. Ego verò amis-
sam puto, cùm vulneribus suis, tum his consiliis & me-
dicamentis, quæ isto tuo zelo pietateq; parantur. Vti-
nam non maius esset patriæ nostræ periculum à tuis E-
uangelicis Regum & legum euersoribus, qui flam-
mas omnibus imperiis quoquo se vertut̄ inferunt; imma-
summis paria faciunt: & tanto nocent efficaciūs; quanto
licentiūs, & liberius per omnes Reipub. partes perua-
gantur. Scit infelix Gallia, experta est Flandria: tota
ab istis euersa iacet Anglia. Sed cur Turcas & Scytas
præteris? An ab illorum potentia nullum periculū per-
timescendum putas? An unus ex illis es, qui cum barba-
rorum illa colluuie fœderis societatē contra capita Chri-
stianorum inierunt? aut fortè Bizantij in illius comitatu
fuisti, qui Bassæ persuadere conatus est; Euangelicorum
fidem non maximo interuallo à Turcico Alcorano dissidere,
eorumq; esse castris & armis muniendam? Non te
latere potest; Euangelicos fuisse, qui in Comitiis, quæ
prætero, particularibus Contributionem ad bellum Tur-
cicum conferendam negauerunt, ne quid contra sociorū
& confœderatorū fidem facerent. Iam autem ostensum
à nobis est, quanta sit fidei, religionisq; inter Euangelicos
& Alcoranicos consensio. Verum profectò dixit, qui vos
Turcarum præcursores, seu anteambulones appellauit.

*Carpis deinde quendam plenis velis in suetiam properantem. Alium
sexaginta milliaria tribus diébus emetientem. Accusas etiā pacificationem
sibi non traditam sumentem.* Id quidem tu tanta confidentia
exaggeras, vt imperitorum inscitiam tua cauillatione de-
cipias, tibiq; persuades ex his tuis laqueis non euasuros
Iesuitas, etiamsi pennas sumerent. At non est difficile
diuinare quos intelligas. Sed tu profectò nondum vide-
ris esse assecutus, vel Obedientiæ vim, vel quantam in re-
bus gerendis habeat vtilitatem celeritas. Tibi enim diei

fortasse breuitas conuiuiis; noctis longitudo stupris, &
flagitiis conteritur. Nescis Bernardum sanctissimum, cœ-
cam obedientiam à religiosis viris requirere, ne curiosius
rimentur cum mittuntur, quæ sint locorum interualla;
alterum an istum quem nouimus orbem adire sit necesse:
Alpes superare, an Oceanum emetiri, sylvas an flumina
præterechit. Fideles sunt an infideles: Christiani an Paga-
ni: Schismatici an Hæretici, ad quos eundum est populi.
Quò vocat periclitantis salus, quò vrget Christiana cha-
ritas, quò Reipub. necessitas impellit, quo cunq; mittit
legitimæ potestatis autoritas, infracto eunt animo, nec
piratas, nec prædones, nec vrsos, nec leones occurrentes
pertimescunt. Si tibi scelus; si vitium est Obedientia; si
diligentia, si celeritas, si robur animi, si periculorum con-
temptio, non contendam cum tua pertinacia. Bachæ Ba-
chanti, si velis aduersarier (ait ille) ex insana insaniorem
facies. Profectò si tu vnquam rectè obedire didicisses, si
proximi commodis & vtilitatibus mouerere; melius nūc
posses his cupiditatibus imperare, quæ te transuersum a-
gunt, deq; statu mentis dimouent, vt virtutem, vitium; o-
bedientiam, infamiam, celeritatem; leuitatem putas.

*Illud vero quod addis quendam sibi non traditam pacificationem sum-
psisse. Calumnia est. Extant mitten's & præcipientis
litteræ, possunt codicilli proferri, obsignatæ tabulæ o-
stendentur, si pertinax esse perseueraueris.*

*De libello contumeliis & maledictis in gentem nostram pleno; Tu
ais; Ego nego. Tu te non explicas; ego non assequor
quid repræhendas, nec ex quo te errore eruam. Scio ma-
gnam à Iesuitis adhiberi cautionem in libris ædendis, &
quicquid in lucem proferendum est, per manus intelli-
gentissimorum hominum, qui iudicij maturitate excel-
lunt peruagari, omniumq; ponderum examine ad libram
reuocari consueuisse. Sed si patieris me diuinare quid
intelligas, Volani tu fortasse Zuinglio Caluinisticae suc-
cipienæ cœnæ stractoris & pharmacopolæ Lituaniæ li-
bellum*

bellum contra Eucharistiam & ditū intelligis. quem cū
inter Nobiles ad bellum Moscicum coēuntes spargerer,
zelantissimus Rex Stephanus, audaciam Autoris dete-
status, in familiari sermone cum eo, quem non nominas
doctissimo zelantissimoq; Sacerdote, cupere se ostendit;
vt breui libello, quinam esset eius, de qua agebatur, Con-
trouersiæ status ostenderet; & antidotum sparso veneno
objiceret. id quod sine mora factum. Responsum Rex o-
ptimus approbavit; tu contumeliis & maledictis plenū
asseris. Sed alia in hoc genere inferius persequemur.

Quod delicate & suaviter riuant: magnos sibi deberi honores existi-
mant. Magnifici appellari cupiant: omnibus artibus multa prædia colligat.
& oppida exigant: Regni senatores opibus superent: eosq; non tantum
contemnere, verum iam ad cœdem quosdam & animo & oculis suis &
libellis designare incipient.

Ne mihi, ne quoſo hac in

Turba, exſenſos ſermones ſere;

Qui te mentis captum infamē.

Magna certè est hæc mendaciorū farrago. Adolescen-
tia tua libidinosa, & intemperās hæc te venena cogit fun-
dere, & certè qui semel fines modestiæ est prætergressus;
eum gnauiter esse oportet impudentem. Ad singula bre-
uiſſime respondebo, & ea erit, crede mihi, ex omni æter-
nitate fluens veritas. Si mensas eorum aliquando, si con-
tubernia, si victus rationem oculis ipſe tuis inspexisses;
aliter sentires. Delicias illi, voluptatesq; vt maleficia vi-
tant. Corpus abſtergere mundicijs, probro ducunt. Ami-
ctus cultusq; corporis, omnibus in vniuersum par est;
eum verò non mutant, niſi yſu longo vetustateq; consumi-
ptuni. Ad cœnaculum tanquam ad templum conueniunt,
vbi gustare quicquam fas cuiquam non est; niſi prius ora-
tione expientur. Cum silentio autem residentibus, con-
dimenti loco lectio ſacra recitat, edendi verò potan-
diq; modus, non saturitate ſed neceſſitate definitur. Ali-
mentis enim utuntur ut medicamentis. Binis; ad sum-
mum

mum ternis ferculis famem frangunt. In fine refectio-
nis vota repetunt. Noctis partem quam tu Veneri &
Libero deberi arbitraris, votis & orationibus tribu-
unt. Asperioreni autem in vīstu, vestitu, lectuloq; legem
ordinariam propterea nullam statuunt; vt omni homi-
num generi, ætati, naturæ, valetudini, tanquam quædam
communis & æquabilis viuendi ratio sit proposita, ob-
seruatione facilis. Iracundiæ moderantur, indignatio-
nem cohibent, quod quis inter eos dixerit: iureiurando
fortius habent, iusurandum verò, periurio deterius vitat.
Mendaciū condemnatum arbitrantur; cui sine Deo non
creditur. Qui cæteris præsunt; rem indignam Christi
seruo arbitrantur, abuti viribus potestatis, ad contume-
liam subiectorum. Sed neq; ueste, aut ambitio ornatu
reliquis eminent. Deprehensos in peccatis, & spe emen-
dationis destitutos, à sua congregatiōne repellunt. & qui
fuerint ad eum modum reliquorum calculis condemna-
ti, infelicem vt plurimum vitam agunt; aut indigna mor-
te consumuntur. Id si putas suauiter delicateq; viuere; ne-
scio quo nomine luxum, quo diffluis, appellabis. Velles
fortasse vt sicut Bonzi Iaponensium Deorum, sacrificuli
papyracea tunica tecti, cum descripta Amidæ vita æta-
tem agerent, aut vt Synarum Hoxiones Chiam calidam
haurirent. vel sicut Brasilienses carbonibus subiectis in
extensa reti cubarent: vel vt Deruisæ Turcici itigmata
sibi inurerent, aut acutis nouaculis corpus frustatim
disciderent.

Ais: *Quod magnos sibi honores deberi existimant, & Magnifici
appellari cupiunt;* Ostende mihi Iesuitam honoribus aut di-
gnitate eminentem Cardinalem, Episcopum, Abbatem,
Canonicum, & id genus. Ego tibi ostendam, leges eorum
fixas, quibus sibi scientes & volentes viam intercluserunt
ad omnes honorum & dignitatum gradus, etiam sponte
oblatos. De Magnifici titulo appetet te versatum inter
illos non fuisse. Patres & Fratres illi se inuicem & Socios

non Magnificos appellant. Magnus enim cuiq; honor
est integritas sua.

Ais; omnibus artibus multa prædia colligunt, opibus eminent.
Ne tu Codrus omnium egentissimus videris, qui decem
aut duodecim prædia, in tanta Regni vastitate à piis at-
tributa, multa vocas : è quorum redditibus puto viuunt
non minus personæ 350. Cur etiam Apostolos non ac-
cusas, quod precia possessionum ad pedes proiecta rece-
perunt? Cur non eodem Apostolorum Principem con-
demnas crimine, quod ob fraudatum precium, maritum
morte mulctauit & coniugem? Quod præterea addis
quosdā Senatores ad cœdem designasse animo & oculis;
nondum te ita puto effrontem & impudentem, vt de cœ-
de corporis intelligas. Si cœdem errorum: Schismatum,
hæresum, nequitiae & impunitatis intelligis; Herbam tra-
do, tecūq; pronuncio, eos ad eiusmodi cœdem non Sena-
tores tantum, sed omnes in vniuersum mortales designas-
se. vt erroribus omnibus extremam mortiferam plagam
imponant; & omnis impietas sempiternum interitum
subeat. Sed in eo quoq; toto, quod aiunt, cœlo erras;
quod putas nobilissimas Regni familias turpi ignominia
notatas, quod ex illis nonnulli malunt inter Monachos;
vt ais, quam inter Nobiles Patricios viuere. Quæ quæso
te res? quæ spes? qui animi motus ad hæc dicenda inci-
rat? Nil vt video prætermittis, vt ineptissimus videare.
Auxerunt illi suam familiaeç suę dignitatem, non minu-
erunt, cum sese in summi Regis obsequium tradiderunt.
Quæso te, Matthæus illis suis opibus & illa sua dignitate
relicta Christo se adiunges, auxit ne an minuit dignitatē?
Iozaphat regno relicto, vllamne ignominiae notam subiit?
Vos appello Nobilissimi Equites Rozrazeuij, vos Varse-
uicij, vos Visocij, vos Kostka, vos Melecij, vos Radzimi-
nij, vos Gawronscij, qui studia vestra soli Christo dedica-
stis, qui nomina vestra inter Iesuitas retulisti, mentem
huic Equiti impetrare meliorem. Profectò is terrenos

Reges, & Principes Deo omnipotenti præferendos puerat, ita ut laudes & præmia consequatur & familiam illustret, qui Regi; vituperium autem, ignominiam, turpidinem subeat qui Deo soli se addixerit. Caeue ne tibi infamia actionem Nobilissime familiæ intentent, aut ad pœnam talionis (penè dixeram Tantali, quam sat scio adolescentiæ tuæ futuram fuisse grauissimam) condemnneris. Non erit tibi difficile, ob tua mendacia, conuitia, maledicta, infamia notam inurere, & ignobilem, si modo is es quem te ipsum facis, pronunciare, & è Regni finibus ad exilium condemnare. nil enim te prorsus delectare videtur, quod aut pér naturam fas sit; aut per leges licet. Sed spero, ut primùm per ætatem iudicium facere poteris, aliter senties.

Garris præterea cùm ais; sacerdotes etate ex morbo cōfectoris, sedibus suis eieccos: villas Parochorum creptas: Nobiles exterminatos: opimus & fertiles Rutheniae partes inuasas, viduas bona relinquere coactas, heredes patrimonio priuatos, patriam violatam.

Ad hæc tua tam crassa mendacia præ dolore, oculum, crede mihi, lachryma perpluit. ita me piget pudetq; stultitiae temeritatisq; tuae.

Sed si hæc omnia quæ dicis, ita ut dicis, patrant & designant Iesuitæ, cùm ita sis in calumniis iaciendis intemperantissimus; puto non futurum te fuisse temperantiorum, in tam multis & acerbis iniuriis à sociorum capitibus depellendis. Ferrum primus stringeres, clientelas cogeres, omnia in oppressores Iesuitas armares. Paulò ante libellum æditum dolebas, plenum contumeliarum in gentem nostram, ex quo exterarum nationum homines, existimare possint, nullam in patria nostra esse pietatem, nullam rationem, nullam virtutem, nullum ordinem. At quid te teipso esse potest in tuam patriam contumeliosius? in qua ais, vim viris, vim foeminas, vim viduis, vim pupillis, vim liberis, vim hæredibus, vim Parochis, vim Sacerdotibus sine freno furoris inferri. Ali-

ter res

ter res ipsa, aliter per Dei gratiam loquitur veritas. Mihi
quidem istum concursum plorantium, ac tempestatem
publicarum querelarum videre nunquam licuit. Adebat
Rex Serenissimus Sigismundus Princeps, Deum timens
(maiores Principis laudem non inuenio) innocentium
omnium & viduarum & pupillorum, tutorum & Sacer-
dotum acerrimus defensor. Adebat sapientissimus Sena-
tus, fixa sunt tribunalia, patent subsellia, libera sunt iu-
dicia, neq; tamen in illis actiones ullæ de vi, & iniuria
Iesuitis intentatæ audiuntur, non leguntur, non viden-
tur. Quæ te res purum putum calumniatorem & conui-
tiatorem conuincit ; & patriam vniuersam ea quam illi
affingis nota liberat. Cur enim secures datæ ? Cur exci-
tata tribunalia ? cur præsidet iudex ? cur carcer ædifica-
tus ? cur tot supplicia in raptores & oppressores confi-
tuta ? Aliter viri boni tibi dissimiles, de statu & conditio-
ne patriæ nostræ loquuntur. Est in ea (sit Dominus be-
nedictus) iustitiae locus : sunt virtuti præmia proposita:
sunt descriptæ sceleribus pœnae : est sui Senatus similis.
In deliberationibus centum ; in sententiis vnum videres :
stant fixæ maiorum nostrorum leges : Iudicium integri-
tas incorrupta : distrahendarum controversiarum ratio
expedita : libertas in dicendis sententiis impunita : sce-
lerum animaduersio parata, verborum lenocinia suspe-
cta, ambitionis studia languida, pecuniæ sitis moderata,
pactorum & Conuentorum fides maxima ; Amicorum
inter amicos consensio fidissima ; inimicitiae mortales,
Amicitiae immortales, simultates remissa, bona fide re-
ditur in gratiam, Coniurationis, proditionis, veneni no-
mina prodigijs loco ducuntur. Populi in vniuersum, na-
tura fortes, armis nati, & simplicis veritatis amici. nec
aliam ob rem fortasse infelicitate digni, quam quod
Euangelicorum progeniem, qua perturbantur ac modo
non euertuntur omnia in patriæ visceribus, tolerant. Nisi
enim vos essetis Euangelici, qui patriæ pacem, Regni

Maiestatem, Regis autoritatem, iudicium integratē audacia & impudentia vestra perderetis ; integra Deo, salua Ecclesiæ, tuta Reipub. essent omnia.

Ais deinde ; Stephanus Rex adiurauit se omni ratione pacem esse conseruaturum inter eos, quorum in religione sunt discrepantes sententiae, quamobrē igitur homines noui & peregrini in regnū nostrū sunt recepti &

Equidem apparet multas te in Euangelicorum scholis ferulas contriuiisse : ita omnes illorum artes perbibisti, ut scurras omnes dicacitate tua superare voluisse videaris. Iam de reliqua nostra cogitatione cognosce. Solenne est Euangelicis ex scriptura non scripturam ; ex non scriptura scripturam facere. Tu quas vis, quasq; libet leges in patria fixas esse vis, quas non libet iugulas. Corczinensem illam Confœderationem sanctissimam, qua vos hæretici ad cœdem & destructionem postulamini, ut Macedonum castra refugis : & quicquid illud est, quod de pace Religionis apud Warszauiam Interregni tempore scriptum est, sanctum esse iubes. At nos dicimus, illam quam vos Confœderationem vocatis, magis iratorum hominum studia, quam constans Senatus consiliū fuisse. An non audiuisti, qui contra illam Orthodoxorum strepitus, qui Ecclesiasticorum fremitus, quæ Masouiorum Catholicissimorum protestationes & denunciationes extiterunt & Vidiimus in Comitiis Coronationis eius qui nobis fœlicissimè imperat, Sigismundi tertij Regis potentissimi multorum Senatorum manus. Vidiimus eorū Nunciorum, quos terrestres vocamus, ex decem Regni Prouincijs seu Palatinatibus subscriptiones, quibus se pro antiquis patriæ legibus, contra Confœderationem illam nouam, Interregni tempore, sublato metu potestatis, contra omnes leges, (sic enim dicebant) & quasi capta Republica, castris & armis tentatam, incisam per vim, impositam per audaciam, nullo scriptā more, stare profitebantur. Sed patiare me hoc tempore in tuam sententiam descendere. Si pax esse debet omnibus Lutericolis & Calui-

& Caluinicolis & Volanicolis, & Biesagicolis, & Budne-
icolis, & aliis similibus quos colitis idolis. Cur pax esse
non debet Christicolis Iesuitis? Si patet accessus exter-
nis non hominibus, sed hominum monstros, Stancaris,
Ochinis, Lismanninis, Vigandis, Blandratis, Socinis, Ri-
baldis, & nescio quibus Caluini & Bezzæ Helueticis Sy-
nagonistis, quos se in patriam submisisse gloriantur, quos
certè nō solum religionis iudices, sed nec socios ad epu-
las, nec hospites in domo habere quisquam vellent, scele-
rum magnitudine, & conscientia maleficiorum cooper-
tos; cur non debuit patere viris optimis & doctissimis,
Sonniero Hispano, Arturo Anglo, Campano Italo, Ro-
berto Scoto, Stephano Vngaro Societatis eius quam di-
laudas (vituperari enim Catholicum ab Hæretico laus
est) Sacerdotibus? Illi sunt, crede mihi, non enim te fal-
lo. sic Christum mihi in illa die propitium precor, non te
fallo. Illi sunt, non Iesuitæ, qui quotidiana serunt discor-
diarum, bellorum ciuilium inter nos & contra nos semina.
ita etiam viuunt, vt cuticulam suam curent, pecuni-
am colligant, quicquid est pretiosi in alicuius Equitis
domo, illud ad se pertrahant, in fraude & ex fraude vi-
uant. Cur inquam istæ in patriam receptæ sunt pestes?
cur Confœderationis præsidio & tutela muniuntur? Ie-
suitæ Orthodoxi, Catholici, Papistæ violentur. Ni-
mis tibi sumis adolescens, oblitus es ætatis tuæ; In-
temperantiūs hac tua lingua abuteris & calamo, dum ad
te putas legum interpretationem pertinere. vt ij quos tu
voles, legis præsidio gaudeant, quos nolis & censoria
tua vīrgula miniataq; cerula confixeris, non gaudeant.
Nimis etiam ingratus es, iniustusq; ciuis, qui cùm te scias
armorum pœnarumq; periculo liberatum, armatum ta-
men in reliquos ciues animum retines. Scis cui magnus
ille Cromerus Confœderationem hanc similem volebat;
Dem Smeherwagen; sic enim loquebatur. hoc est pici
seu cuiquam pinguedini, qua curruum axes inunguntur:

Quatuor scilicet rōtæ, quatuor sunt huius seculi præcipi-
pue sectæ; Luteristæ, Caluinistæ, Trideistæ, Anabapti-
stæ, quæ si Confœderationis lenitate inungantur, cito eo
perueniunt, vbi fiunt Atheistæ. Accipe exemplum quo
olim hæretorum vestri similiūm audacia ob impunita-
tem processit. Res horrenda dictu; sed expedit vobis
audire, quod auditum non possitis non damnare. Nar-
rat Epiphanius, Gnosticos Hæreticos ante suam Syna-
xim promiscuos, concubitus exercere consueuisse, libe-
rorum tamen generationem vehementer auersatos. Sed si
præter sententiam accidisset, vt prægnans mulier effice-
retur, detractū quacunq; ratione ex vtero fœtum, in mor-
tario quodam pistillo tundebant, & admixto melle & pi-
pere & aliis quibusdam aromatibus & vnguētis ad auer-
tendam nauseam, omnes siebant participes contusi pueri,
atq; sic humanæ carnis esu peracto preces deinde fun-
debant ad Deum. & hoc perfectum Pascha dicebant.
Horruisti, sat scio, sed eadem fuit & est vbiq; Hæreticorū
rabies. constat sibi omnibus in locis illorum impudentia.
Si nihil eiusmodi apud vos adhuc accidit, accidet nisi
vestra audacia legum ac pœnarum vinculis constringa-
tur. O si videri posset oculis corporis hæc immanitas,
& crudelitas vestra, qua Corpus Christi mysticum, quod
est Ecclesia, in mille minutissimas partes, ausi estis con-
scindere; ipsi profectò miraremini quomodo terra sub pe-
dibus vestris aperiens os suum vos & socios vestros non
deuorauerit. & eam immanitatem, quā in Christi corpus
exercetis, longe ea maiorem & immaniorem censeretis,
quām in Corpus infantis admissam à Patribus vestris
Gnosticis hæreticis audiuitis. Nunc ea leuiora putatis
quæ Dei; grauiora hæc quæ diximus, quia mortales ocu-
los offendunt. Sed quid vñquam non ausi sunt hæretici?
quid vos non audebitis Euangelici si modo licebit. ve-
rum non est huius tempus querelæ,

Optas

Optas patriæ pacem, Reipublicæ tranquillitatem. Hæretici tibi sunt & Schismatici Ecclesiasticorum sanguine iam pridem suginati, proscribendi, quocunq; tandem nomine vocentur. qui dum in Regni visceribus hærent, cùm errorum omnium sunt amici, vt ante dictū est, nō possunt esse nisi solis non errantibus, hoc est Catholicis Orthodoxis, & vt vos vocatis Papistis inimici. Vedit olim id ipsum Sigismundus Augustus Rex sapientissimus : Vedit etiam prudentissimus Regni Senatus : viderunt Prouinciarum & Nobilitatis Nuntij, in comitiis Parczouieñ : Quamobrem etiam Decretum saluberrimum promulgavit, vt omnes externi & peregrini Euangelicorum Superintendentes & Ministri, Regno excedere cogerentur. quod si fuisset executioni demandatum, hæc quæ vidit mala patria charissima non vidisset. An tu illam legem mortuam putas? nisi quod valde vereor, vt esse magna possit eius Senatus authoritas, in quo tanta luxuria adolescens, sententiam capitis audet in viros bonos pronunciare. deq; bello & pace, deq; commodis & incommodis Reipub. statuere, qui eum Regni statum esse vellet in libertate, quem cæteri vix tollerarent in seruitute.

Progrederis longius, & ais ; *Cur non retinetur Authoritas concilij illius amplissimi & sacratissimi Lateranensis, quod retuit, ne in posterum noua aliqua Monachorum familia à quoquam instituatur?* Tu quidem isto loco acutus videri velles, & aliquid tandem cum authoritate dicere. Sed interim verum est, quod oculis tuis nil lætius possit occurtere, quām Iesuitarum ruinæ. Omnia colligis, in omnia te vertis, arma ab aduersariis petere non erubescis, vt Orator magnus videare, qualis si esses, magna cloaca esses, Iane bifrons, Protee leuissime, quas tandem formas induis? Quousq; istum Gygis annulum torques & retorques? Tu Pontificis Decreta contempnisti, cùm Iesuitas, quos ille probat, odisti. Tu maiestatem eius irrisisti, cùm illum Regi Catholico Philippo, diuinos honores permisisse aisti. Tu

Concilium

Concilium Tridentinum neglexisti, cùm ab illo Societatem probatam improbasti; & nunc ad Concilium Lateranense recurris, in eoq; tuæ præsidium libidinis statuis. Ego verò tibi dico Gabaonita, vetusti sunt isti panni, quos vos primilacerastis in aliis articulis fidei, cùm omnium simul Conciliorum & Decretorum fidem & auctoritatem eleuasti. Sed tu, quod Euangelicorum proprium esse dixit Vincentius Lirinensis, prima taces, extrema ponis, media præteris, omnia inuoluis, de scriptura ludum, de scriptura tibi Proteum facis: oblitus quod pulchrè scriptum Tertull: reliquit. Sicut si in tibiam flaueris, non propterea hominē tibiam feceris, quanquā de anima tua flaueris; ita si verba Concilij, Canonicaq; decreta flaueris, non propterea seruos Dei damnaueris.

Fili Sathanæ (nam & ipse è Scripturis Scripturarum authorem Christum oppugnabat) video quòd non intelligis, quām difficilè est Dei seruos expugnare, cùm nullum certum habeas Deum. quo nomine nullam tibi pœnam acerbiorem deposco, quām vt aliquando tamen intelligas, quām viris bonis nocere contendas. Si posset hæc tua ætas rerum grauitatem sustinere, audires ex me, quòd non solum Lateranense Concilium sub Innocentio tertio, sed etiam Lugdunense sub Gregorio decimo repetita cōstitutione districtiūs inhibet; (sic enim legimus). Ne aliquis de cætero nouum ordinem aut Religionem adinueniat, vel habitum nouæ religionis assumat: cæterum tu, quæ sequuntur, hæreticorum more præteris. In eodem enim ipso Gregorij decreto illę Religiones perpetuæ prohibitioni subiçtiuntur, & quatenus processerant reuocantur, quæ nullam approbationem Sedis Apostolicæ meruerunt. At IESV Societas non vnius sed quinq; Pontificum Romanorum approbationem meruit, quod iam antea audiuesti. Sed ipsius etiam Generalis Concilij Tridentini auctoritate firmata est & constabilita. Multa tibi vt video sunt dediscenda, omnia discenda.

Quæde

*Que de dubia sixti Pontificis in societatem voluntate tricaris ; Id
facis, nō quod verum putas, sed quod impudentia abundes. Iratis animis quodcūq; occurrit, telum est. Gratulor
quod sic habeas omnia explorata. fortè nec illud ignoras,
quomodo Iupiter Iunonem duxerit. Iste quoq; Spiritus
non nisi Euangelicorum est, qui sese in Dei consilium ad-
missos, & intimæ voluntatis interpretes & Internuncios
arbitrantur. Platonī certè iocari videtur, qui se omnia
scire profitetur. Sed hoc tibi persuadeas velim; ita Iesu-
itas esse legitimæ potestati obsequentes, ut quid Pontifi-
ci, quem Christi vicarium agnoscunt. visum fuerit ad So-
cietatis conseruationem adiungere, vocem eius, tanquam
Christi loquentis vocem, audiant. tum quod ita Christi-
anos omnes, qui se modo eos esse meminissent, affectos
esse oporteat; tum quod fidem & obedientiam suam Ro-
mano Pontifici non vulgari illo modo, neq; solita ratio-
ne; sed præcipua quadam pietate, & deuotione, quod tu
fortasse nesciuisti, obstringunt. Ego verò existimo etiamsi
verum esset quod prædicas, quod immortale tuum in ser-
uos Dei odium rabiemq; tricipitis Cerberi, ne hoc quidē
quod dicis exsaturaret. Omnia tu vnuis crucis spectare
in eadem area velles. cum puluisculo, quod aiunt, euer-
sam, extinctam, è rebus humanis sublatam Societatem
cuperes, vt gubernatore sublato, sicut de Romano Pon-
tifice loquitur Hieronymus, facilius in Ecclesiæ naufra-
gio tu & tui Euangelici grassentur. Sed aliter Ecclesiæ
sponsæ suæ Deus prouidit, dedit militem qui vidit ho-
stem: dedit custodem qui vidit furem. Nihil est mali (ait
Cicero) canes ibi quamplurimos esse, vbi permulti fures.
multa obseruanda multaq; seruanda sunt. Non sit for-
tissimus & sapientissimus Rex Stephanus, (sed hic tu
quoq; fluctibus abreptū vociferaberis, homo abrepticie)
qui tantum præsidium constitutum putabat ad Reipub-
tranquillitatem, in recte instituta iuuentute, atq; ad omnē
moderationem conformata; vt, quod ante quoq; dictum*

est, magnis propositis præmiis, viros doctissimos ex intima Italia euocaret, Marcum Antonium Muretum, Flaminium Nobilium; Sigonium, Vrsinum, & Fogletam, Historicos, Gregorium de Valentia, Toletum, Bellarminum, Iesuitas, Patrem Aquarium Dominicanum Theologum. Tu ait monachos instituendæ iuuentuti incommodos, at Rex magnus aliter. qui laborem veniendi fortasse suscepissent, nisi istos tuos & tui similiū Scytiacos fremitus contra alienigenas & externos cognouissent. Neq; tamen propterea deesse Rex optimus vtilitati subditorum voluit, sed illi ipsi iuuentuti Albense & Claudiopolitanum, & Varadinense in Transyluania; Rigense & Derpatense in Liuonia; Polocense in Lituania, Collegia erexit, in quibus tenera subditorum ætas ad omne officij munus Iesuitarum studio & opera formaretur. Parum est. Vide quæso te vim desiderij incredibilem, cum cœteris omnibus in iuuanda re Christiana satis superçj fecisset, sibi ipsi satisfactū non putabat; nisi etiam è sepulchro, ea qua liceret ratione rei Christianæ succurreret. Testamentum conscripsit, plenum in rem Christianam & in ipsos Iesuitas amicissimæ voluntatis. cuius particulam ex me si audieris, saxeum te putabo, nisi nobis diuinam aliquam cecineris Palinodiam. Ait ille. At nisi Dominus custodierit ciuitatem, frustra vigilant qui custodiūt eam. proinde ipsum Principem Sigismundum, omnes deniq; Senatores, status & ordines Regni Transyluaniae oro & obtestor, per salutem animarum suarum, Reipub: tranquillitatem; simultates deponant, pietatem colant, aiutam sanctam Catholicam fidem recolant, aut saltem per me fratremq; meum introductam postliminio & quo animo ferant. Collegium Iesitarum in Kolozwar & Kolosmonostor fundatum bonisq; dotatum, partim iure Regio, partim pecunia & aliorum honorum permutatione, bono iure acquisitum tueantur, conseruent & augeant. Sic etiā Albense, Varadinense, non solūm conseruent, sed augē-

sed augeant; ad ipsumq; incrementum adjiciant. Alio-
qui si violentas iniçient manus, implebunt modios irç di-
uinæ, qui retribuit talibus secundum immunditiam cor-
dis eorum. O diuinum diuini Regis testimonium! ô me-
moriā suę in Societatem voluntatis sempiternam! Sta-
bunt hæc & in arce locabuntur. Tu & Actio tua prima
& secunda & tertia, & quotquot voles scribere, in Saturni
podice submergētur. Tu tamen Osce lepidissime in tanti
Regis exemplo & authoritate audes ludere? non miror.
Ducebatur olim Athenis ad suppliciū Aristides, cui quis-
quis occurrebat deiçiebat oculos & ingemiscebatur, non
tanquam in hominem iustum; sed tanquam in ipsam iusti-
tiam animaduerteretur. inuentus est tamen qui faciem
innocentis conspueret. Deinceps te moneo ne tam im-
probè oscites, non est hoc promere verba; sed projcere.
Non magis contemni putes Regem Stephanum mortu-
um, cùm illustria Principis facta dente canino laceras;
quàm cùm ædium Sacrarum ruinæ calcantur. quas, qui-
cunq; sunt religiosi, & què ac stantes adorant,

Porro illorum qui sceptr̄a tenent

Haud quaquam est violanda authoritas.

si magnus rir cecidit, magnus iacuit. inquit ille.

Nisi quòd te iamdudum spontanea perdidit ira. Quid
de reliquis orbis Christiani Regibus & Principibus di-
cam, quorum tu nunc os & oculos erubesceres. Quò magis
illi Regnorum suorum pacem amabant, quò magis
populorum salutem & quietem appetebant; eò magis
Iesu Societatem, ac alios viros doctissimos omni offi-
cio, ac pietate & liberalitate in suas ditiones euocabant,
fouebant, ornabant. Aude inuictissimo & sapientissimo
Cæsari Carolo Quinto notam præcipitis cōsilij inurere,
qui Panormitanum Collegium exædificauit, in Sicilia.
Aude fratri eius Ferdinando, qui Viennense, Pragense, &
Oenopontanum erexit. Aude Ioanni tertio, Sebastiano
& Henrico Lusitanæ Regibus exprobrare; qui Coimbra-

cense, Vlyssiponense, Gōēnse, Iaponense etiam & Brasiliense in India excitarunt. Facilius profectò efficies, vt te qui audierint, mancipium flagris natum putent, quām tantos Principes imprudentes. Non commemorabo Carolum Archiducem Serenissimum, Gracēsis Collegij authorem. Nil dicam de Magdalena Serenissima sorore eius; quæ Hallense erexit. Nil dicam de Bauariæ Princepe Catholicissimo; qui Monachiense & Ingolstadiense. Nil de Philiberto Sabaudiax Duce, qui Taurinēse & Chiamberense. Nil de Florentinis, Ferrarieñ. Mantuanis, Parmensibus, Lottaringis, Guiisiis, Niuernensisbus, Nieſuiſensibus Ducibus, & Collegiis afferam, res ipsa loquitur. Quæ ſi non vides talpa es: ſi vides & vituperas; ſcurra es: ſi vituperas & non erubescis; iniquus, impius, & conſceleratus detractor es. Dies me deficeret, ſi Principes Ecclesiasticos Societatis & Collegiorum authores & fautores enumerate vellem. Fernesius nunquam fatus laudatus Cardinalis, Collegium in monte Regali in Sicilia; Romæ verò magnificentissimum templum Societati erexit. Otto Truchſes, Atlas ille Religionis in Germania Dilingæ, Turnoneñ Turnoni, Lottaringus Muſſiponti. Boromeus Mediolani, Corneus Perusiax, Hosiū Braunsbergæ. Deinde verò & iþi S.R. Imperij Electores & Archiepiscopi Ecclesiastici, Moguntinus Mogūtiæ, Treuerensis Treueris, Toletanus Toleti, Granatensis Granatæ, Gneznensis Kalissij. Hos pōnè sequuntur Episcopi & pie-tate & prudentia commemorandi. Noscouius Pultouiax. Valerianus Vilnae. Konarski Posnaniae, alij alibi. Sed nec priuati Nobiles desunt. Paicecus Villaretanum in Hispaniis. Lublinense quorum opibus surrexerit, non ignoras. Sed nec matronas Nobiles prēteribo. Barchinoneñ Maria Mariques de Lara. Complutense, Maria Mendo-zia. Villagarzinum Magdalena Viloa. Iaroflauieñ Sophia Palatina Sendomiriensis excitauit. Quæ tu me iſto loco duabus ex causis cōmemorare putabis; tūm vt intelligas.
(ſi modo)

(si modo per animi angustias potes) magnā te & diffici-
lem causam suscepisse repræhendendi eius consiliū, quod
summi Consiliū Cæsares, fortissimi Reges, sanctissimi
Cardinales, intelligentissimi Principes, Deo dilecti Epi-
scopi, cordati Nobiles, Matronę deuotissimę, pro sub-
ditorum vtilitate suscepereunt & quæ à pierate Societa-
tis expectabant, vera esse exitu probauerunt : & in eorum
potius autoritate, quam in tuo errore conquiescas ; tum
ut memineris 5000 . . Nobilium, ad tuam perniciem in
istorum Collegiis educari, quorum profectō nemo te po-
terit sine suspicio aspicere : & si quisq; semel conspuerit,
eris rana Seriphia venustior, nec cuiusvis, crede mihi, a-
qua aspersione hæc vnguenta elues. Certum enim est,
quod qui in vita hominis fidem in Deum sanctissimam
putat ; non poterit eum & quanimitate tolerare, qui fidem
ex animis hominum tollere, Ecclesiam Christi scindere,
ministros eius oppugnare, opprimere, obtruncare, tem-
pla spoliare ausus sit . Qui pudorem & pudicitiam colit,
non potest & quo animo, quotidiana Euangelicorū adul-
teria, Sacrilegia, stupra, incestus, meretriciamq; discipli-
nam aspicere. & qui proximorum iniuriis, Rerum pub. va-
stationibus doleat, quomodo potest istos Euangelicos,
non hominū, sed belli ciuilis vultus, istas fauces, per quas
non Dominice, quod mēdacerit iactitant, sed Lapitharum
cœnē & conuiuia transeunt, sine motu mentis relinquere.
Qui Romani Pontificis, Episcoporum & Sacerdotū iura,
dignitatem, libertatem, autoritatē sanctam apud omnes
haberi vult ; iis quomodo potest non plus etiam quam
inimicus esse, qui ad istum ordinem euertendum, ad tol-
lendam Ecclesiastici imperij maiestatem, opprobria, con-
uitia, maledicta, verbera, cruces, tormenta, supplicia, fixa
parataq; se habere gloriantur ? Vellem tibi contingeret,
vt istorum aliquando vultum & oculos, cum hanc tuam
Actionem legerint, intuerēre. Quoties te mendacem? quo-
ties mente captum, quoties inertem, quoties iratum?
K 3

quoties furentē, quoties cœcum & impium appellabunt;
quoties per illas ipsas fenestras, quæ legenti lumen mini-
strabunt deijcent? optare vt debeas eum quem æ didisti
libellum sempiternis tenebris latere; ne stultitiæ & impu-
dentiæ tuæ extet apud vniuersam posteritatē tam illustre
monumentum , Certè consideratius consilium suscipere
debueras: Cùm olim Deorum delubra Teophilus Ale-
xandriæ euerteret, & simulachra in lebetes cōflaret; vnam
imaginem certi alicuius Dei omnium turpisimā seruari
iussit, eamq; in loco publico erexit, vt Gentiles progre-
diente tempore, ire inficias non possent se tam turpes &
inanimatost Deos coluisse. Hoc porrò Teophili factum
Ammonius Grāmaticus Gentilis præ cæteris tulit æger-
rimè, quòd illa quoq; tam turpis statua conflata cum aliis
non esset, sed ad Græcorum Religionis irrisionē reseruata
manceret. Sic futurū puto, vt te & tuos Euangelicos valde
pœniteat extare cum hoc libro tuo in oculis vniuersę po-
steritatis, stultitiæ & impudentiæ tuę non vestigia sed cu-
bilia. Sed non est difficile diuinare quid metuis. Impen-
dere fortè vides ab hac seruorum Christi acie, his quos
seuistis Euangelicorum Atheismis interitum. Non enim
ita delicatum oculum habere te puto, vt si in eos incurrat
Iesuita, statim effluat. Sed hoc agis, hoc conaris, vt pie-
tatem, industriam, diligentiam, litteras, quas saluis Iesu-
itis proscribere non potes; cum Iesuitis simul ejicias. imò
verò hoc agis (fortasse ne tibi mors molesta accideret) ne
quid post te in patria integrū, ne leges, ne litterę, ne pietas
vlla relinquatur. Velles ante te Rempub. perire. At ista
quę suscipis Maximiana sunt & Juliana consilia, quæ tāto
minus succendent, quantò magis ab illorū abes potestate.

De Maximiano scribit Eusebius, quòd post omnia a-
cerbissima tentata contra Christianos consilia, cùm non
quantum veller cursum fidei Christianæ retardaret; librū
conscribi iussit, cui nomen dedit; Acta Pilati, innumeris
mendaciis & contumeliis in Christum abundantem, pre-
cepitq;

cepitq; vt Præceptores omnes ac puerorum Magistri discipulis illum suis explicarent, & ipsi discipuli memoriter addiscerent, ac impietatem in Deum à prima statim infâria combiberent. De Iuliano verò his verbis scribit Nilcephorus. Ne Christianorum pueri Græcis disciplinis erudirentur, aut Pôetas scriptoresq; eorū legerent, scholasuē publicas frequentarent, lege cauit. Ne linguis eorū, inquit, acumine perpolitis, facile disputatoribus nostris resistere, & sacra quidem sua amplificare, Religionem autem nostram refellere facile queant. Quæ crudelitatis & impietatis tetrica consilia, si quod optatis tu & tui similes in patriæ viscera inuexeritis ; quasi sphæra ad centrum; sic ad Atheismum euoluentur omnia. Luteranismi enim perfectio Atheismus est & Epicureismus. Reliquæ sectæ, quorum numerus ad ducentas fere & quinquaginta ascendit ; velut gradus quidam sunt, quibus itur ad impietatis fastigium, vt dicat impius in corde suo ; Non est Deus. Nemo enim repente fit summus, ait Bernardus, ascendendo non volando apræhenditur scalæ summa. Sed ego non perorandi sed respondendi partes suscepi. Hic itaq; respondendi finem faciam, ybi tu finem interrogandi fecisti. Veniet qui tuas calumnias pleno modo verborum refutabit. Interim hic meus sermo erit tibi correctio, si velis ; testis autē coram Domino. etiamsi nolis. Vasa iræ, ait August : ad hoc permititur in Ecclesia garrisire, vt tanquam de negligentia somno excitentur vasa misericordiæ : & studio respondendi pestilentibus maledictis adhibeant curam salubribus dictis. Et alio loco, Sicut habet suam hilaritatem ipsa cantatio, etiāsi ad eam nemo sua membra mouet, cui pleno gaudio cantatur, ita suum præmium habet admonitio, etiamsi non obtemperat qui monetur. Hieronymus verò planè rem nostram loquitur, cùm ait: Qui Æthiopem inuitat ad balneum, etsi nigredinem non auferat illi, pecuniam tamen accipit sibi, & licet in illius candore nō gaudeat, certè vel in suo lucro letatur.

Sed te

Sed te ad extremum Patria charissima, vosq; sapientissimi Senatores appellabo, vt istiusmodi Euangelica consilia è patriæ finibus in ultimas terras faceſſere iubearis. Nil enim iſti ſiue Euangelici, ſiue Politici consiliarij volunt, quām vt iterum ad illam barbariem reueluamur, quæ ante ſuceptam fidem Christianam in patria noſtra videbatur; vt ſimus & mente & religione deſtituti. idq; ſingulari Dei prouidentia ſtatutum ſtabilitumq; arbitremur, vt ſanandis nouis morbis, nouum medicorū genus exſurget, nouas remediorum ſpecies nouam curationis rationem afferret. Recepérunt olim in patria maiores illi noſtri optimi & ſapientiſſimi viri, Robertos Italos, Paulinos Gallos, Adalbertos Bohemos. nec ignominiam duxerunt ab illis diſcere quæ nescierūt. Procedēte tēpore, receperūt & D. Auguſtini Africani, & D. Franciſci Itali, & Diui Dominici Hispani, & Diui Baſili Græci ſocios, & diſcipulos, quorū alij nos ab impio idolorū cultu, ad viuus veri Dei, & filij eius Domini noſtri I E S U C H R I S T I cognitionem verbo & exemplo adduxerunt, alij pietatis & sanctitatis exemplis, orationumq; præſidiis, Regnum hoc florens & incolume, in confeſſione veræ & indiuideę Trinitatis, cuius hodie memoriam agimus, ſine vllijs erroris admixtione, totis ferè ſeptingentis annis ita conſeruauerunt, vt cum vicina nobis regna & imperia ab unitate Orthodoxæ fidei, vel Hæſeti vel Schismate diſtraheretur, Mosci & Rutheni, Græco; Bohemi & Moraui Huſſico; Traces & Bulgari Mahometico, noſtra per Dei gratiam Polonia, nullum vñquam malum ex vicino malo traxerit, ſed ſicut rosa inter spinas; ſic illa ſeſe eorū quos dicimus præſidio, virginem caſtam exhibuit Christo. & quām par erat, Deo vero, conſtantiam repræſentauit, vſq; ad hæc infelicia tempora, cum Lutherus odium illud Dei omnipotentis (& ſi homines odifſent quos oportet, etiam omnium hominum peſtem) ē vicina Saxonia ante annos quinquaginta afflauit. Si patriam à minimis initij ſ in hanc


in hanc quam videmus amplitudinem & maiestatem ex-
creuisse gaudetis; ut à palude Meotica, ad mare vsq; Balti-
cum pertingat: & viciissim à Borysthene vsq; ad Oderę lit-
tora extendatur, tam sanctis legibus descriptā, tamq; pijs
moribus constitutam; cogitare debetis, hæc omnia cum
illis quos diximus, dicerem & per illos, nisi militis alicu-
iū fremitum timerem. nam maiora sunt orationū quām
armorū præsidia nobis à Domino contigisse. Nihil vt esse
pertimescendum videatur, ne nouum hoc Religiosorum
virorum genus, in patria destruat; quod Robertus, quod
Adalbertus, quod Augustinus, quod Basilius, quod Frā-
ciscus, quod Dominicus ædificauit. quin potius huic
qui maiorum instituta perturbant, hæreticorum cuneo,
has Iesuitarum acies obiectas & oppositas putate. non
castris & armis, sicut olim Cruciferi, quorum adhuc no-
men horretis, instructas; sed timore Domini, sed amore
proximi, sed zelo, sed bonis litteris, sed exacta rerum di-
uinarum scientia & cognitione munitas. Non illi vestra
vobis eripiunt, vt falsò accusantur; sed diuina tribuunt.
Verumramen si vobis spiritualia seminant, quid magnum
est, vt aliquando vestra carnalia metant: Si res nouas &
maioribus nostris inauditas, si fides, si mores, si ignotas
prioribus seculis sanctitates in patriam inferrent, causam
non dicerem. Sed cùm veterem illum pietatis & sanctita-
tis splendorem, quasi quodam situ, & squallore cooper-
tum, cum illis ipsis, quos fertis in oculis Hosii, Crome-
ris, Patriciis, Orichouiis, Gorsciis, Socolouiis, Pou-
douis instaurant, (Libet hac vti similitudine) dum illi al-
taria & Diuorum imagines perpoliunt; isti etiam templi
paumenta, & vilissima quæuis peristromata perpurga-
re non negligunt; omniaq; siue parua siue magna & audēr
& agunt, quæcunq; tandem requirit pereuntis salus; Quid
causæ esse possit, vt homines salutis vestræ cupidissimos
patria pulsos, & omnibus infortuniis dignos arbitremini
non video: idq; iterum atq; iterum affirmo, qui hæc vobis


L


furois


furoris & amentia plena Scythica planè, barbaricaq; cō-
silia suggerunt, eos non tam Iesuitarum, quā torius Reli-
gionis Christianæ odio ardere. quod si verbis negant, re
& veritate præstant. Quorsum Trinitas veneranda bla-
phemii lacerata? Quorsum maiestate sua Iesus Dei vi-
uentis spoliatus? Quorsum furta Sacramentorum, qua
populo Dei sine fronte & mente Euangelici clepserunt?
Videte quo vos templorum par ietinas, Altarium rude-
ra, Imaginum euersiones. Videte marryria Episcoporum,
exilia Sacerdotum, contemptū Sanctorum. Cur in Ger-
mania 20. millia templorum spoliata? Cur in Anglia 10.
millia diruta? Cur in Gallia 300. millia Catholicorum
trucidata? Cur in Flandria in legitimā potestatem arma
sumpta, imma summis paria facta? Cur diuersis in locis
200. millia Sacerdotum excarnificata? Cur in Scotia
Reges oppressi? Cur in Gallia ad cædem postulati? Cur
à Turcis perfidia ad vniuersæ Christianitatis perniciem
petita? Dies deficeret; si furores omnes Euangelicorum,
& ab illis suscepta consilia recensere vellem. quorum hæc
summa, hic solus & unus scopus est; vt aut Leges aut Re-
ges pereat. Sed & in patria nostra, quorsum Iurisdictione
sua spoliati Episcopi? Quorsum ereptæ decimæ? Quor-
sum confœderatio extorta? Quorsum Clerus vniuersus
ad bellicas expeditiones postulatus? Quorsum Ecclesias-
tica iura in exilium acta? Non Iesuitarum capita, credi-
te mihi Senatores, nec inuisa multis Ecclesiastici ordinis
maiestas, istis consiliis petitur, sed per Ecclesiasticorum
latera Christianæ Religionis iugulum ad necem postula-
tur. quæ si vñā ceruicē haberet, eam certè Euangelici præ-
cidere non dubitarent. Nunc autem quos violenta non
possunt, lenta quasi morte confidere cupiunt. vt si fieri
posset, sine sensu doloris pereamus. atq; ad extremum sine
Deo & sine Christo eius maneamus. simusq; sicut habet
Esaias; quasi à principio, quando Deus nō dominabatur
nostris, neq; inuocabatur nomen eius super nos; Lelicola,
Polelicola,


Polelicolæ, Piorunicolæ, Serpenticolæ, Babicolæ, amissâq; luce veritatis ad baratrū redeamus infidelitat̄. Sed absit hoc à patriæ charissimæ capite. Absit ab hæreditate tuæ Christe, quam tuo sanguine redemptam per 600. annos in Ecclesiæ sponsæ tuo gremio fouisti. Credebant, ô Senatores, in Deum maiores illi nostri sine Serueto & Gentili, sine Blandrata & Gregorio, Habebant Sacra menta sine Lutero; Sumebant corpus Christi sine Caluino, Baptizabantur sine Pacimontano; & Cechouicio, Iustificabantur sine Osiandro, Matrimonio iungebantur sine Ochino, Manebant in Ecclesia sine Fricio: aut si ipsi seducti, nos seduxerūt (quod absit ut cogitemus) culpa omnis tua erit ô Christe; qui è sinu suoru Patris nimis citò descendisti, nimisq; citò Apostolos tuos ad Euangelij prædicationem dñmittere properasti. Nam si ista Lutheri & Caluini tempora expectasses; longe quām Petru & Paulam fideliores diuinæ tuę voluntatis interpretes & internuncios habuisses. Frustra ergo nos Adalbertus & Stanislaus docuit, frustra sanguinem fudit. Frustra Boleslai, Casimiri, frustra lagellones, frustra Sigismundi, baptisma receperunt, bella pro Christo gesserunt, templa erexerūt, Collegia constituerunt, seruos Dei auxerunt, xenodochia fuscitarunt, redditus attribuerunt, Frustra Sacra menta sumpserunt! Quicunq; hæc de optimis Regibus, deq; maiorum pietate existimant, eant sicut habet Athanasius, & ossa eorum è monumentis eruant, vt ab omnibus intelligatur, & illos fuisse seductores, & istos parricidas esse. Sed tu Christe da mentem istis hominibus meliorem, vt aliquando tamen doctrinam veritatis, in Cathedra vnitatis collocatam, intelligent. Ego verò finem facio si vos adhuc admonuero, Senatores, Euangeli cos & reliquum orbem Christianum stare simul non posse,























Versuum ibid. 26 Febr.

Audie dixisse R^{me} Legatum h^{oc} verba: habebant
septem pro sua favore sententiam: Si h^{oc} etia^m sunt
regno nuncium. Neq^{ue} anime dicit sedem suam
ad sanctoris inclinari. Christus est Veritas, Via, Lux
Vicarius igitur Christi est Vicarius Veritatis Ver
at p^{ro} fides. Respectu ad personas q^{ue} responso^m aufa
ueray tenet factum dñe p^{ro}p^{ri}e. Scrant autem h^{oc} mun
dum iudicaturum de iudicio aut rotul aut summi
Pontificis. Si quid diversum sit, lapidas animam clama
bunt. Unionem nobis ne sanctus quidem Paulus par
fauit, qui sanus artes omnes lapidicas tam prot
quies sapientiam aliquis sequitur, aut ex p^{ro}p^{ri}e. Re
uelabuntur alegando Interim nos Philosphorum et
Iud considerabimus: Eni^m, Vnum, Verum, Bonum converti.
Moxo intermixto distant Vnum et Vnatum. Vnum est
Vnum. Vnatum multa continet. Lupas d^{icit} onus
appellat, Venonaem apparet. Vult enim carnem onus
in spon^m hoc est lupi carnem converti. Multo h^{oc}
Vnum exemplar per creacionem tradidit R^{me} Legato.
Vale. Cicerius 26 Febr. 1626.



EXCELSIOR

SIN e CÆRE monis
Si quid habet Iesu vita ne gram hui partem
Qui faciem fingit latro rafser rapiat.

Gdy na Grati
ta dedit Bell
pa boguski
wzgrobem
Mac Kild X slavsk
nugydi
lege in deca
notu
fasciam / arsia
vulpi

Biblioteka Jagiellońska



stdro000560

Biblioteka Jagiellońska.

